


啟佳問類函
 体近六之八



漢書門類			
四	八	二	一
冊	架	函	號

內閣文庫			
三	二		漢
冊	架	函	書

內閣文庫			
番號	漢	11400	
冊數	48 (10)		
函號	364	52	



啓雋近體卷六

類函十八

東吳俞安期羨長彙編

上饒王嗣經曰常同輯

高淳韓仲雍壁哉訂定

宰相部四


武功成入拜

賀韓丞相啓武功成

宋蘇軾

伏審誕膺策命首冠輔臣四方聳觀萬口同慶天下
幸甚天下幸甚洪惟上聖之后眷求一德之臣謂莫
如公遂授以政付八音於師曠孰敢爭能捐六轡於
王良坐將致遠引領以望惟日爲年恭惟昭文相公

啓雋類函卷六



全德難名巨才不器豐豐申伯之望堂堂漢相之風
出入三朝險夷一節最爾種羌之叛命慨然當寧以
請行威聲所加臙穢自屏淮蔡既定而裴度相徐方
不回而召虎歸縱復遺種龍荒遊魂沙海譬之癘疥
豈足爬搔必將訓兵擇帥而授之規摹積穀堅城而
磨以歲月破斧之惡四國實願周公之亟還折箠以
鞭赤眉無煩鄧禹之久外天下是望豈惟一人即日
邊徼苦寒台候何似伏冀爲國善調寢興謹奉啓起
居

賀集賢相公啓

邊功成入相

宋王安石

爲吏南州抗塵末路處洪鈞之大器小以自持瞻英
袞之尊蹤孤而難附恭惟法宮議道賢業熙天變精
侵之至和納亨嘉之盛福伏惟某官乘堪輿浩直之
氣爲廟堂倚平之材逢辰清明發策高妙垂紳近署
之列直筆中臺之端龍閣之富圖書密承顧問蜀部
之風教化遂協都俞遽促鋒車入參駸駸旋屬園虛
耀狼角之色狂寇毒清河之民擊義節以請行先堂
兵而制勝淮西入僉晉公大宣慰之名朔方燁威子
儀開幕府之盛盡劉大憝入奏元功式尊通宰之榮
上正文昌之座方將圖講熙事修舉治綱坯冶一陶

啓書類四卷六
輔成于醇化管簫群慝躋格于太寧顧惟平進之微
獲此庇暉之下伏希上爲國體保固台嚴西首鈞庭
下情無任云

賀李丞相啓

武功成被
讒後入拜

宋汪藻

躬被冊書進居丞弼精忠貫日正二儀傾仄之中凜
氣橫秋揮萬騎笑談之頃國須賢立天爲時生恭惟
閣下厚德鎮浮英才經遠得文武弛張之樞要獨運
胸中明古今治亂之淵源不專紙上爰自踐敷之始
每勤獻納之忠老成尚有於典刑天下想聞其丰采
昨屬殊鄰之擾上貽當宁之憂夕烽旣徹于甘泉清

蹕將遊於汾水惟公夙夜與國存亡挺身六品之卑
抗義九重之邃留家誓死鏡血書辭銷大變於胚胎
轉危機於呼吸泊干戈之息戰援桴鼓以登陲義動
三軍人皆奮死氣吐異類虜輒請盟身九殞而一生
國崇朝而再造旣名高而衆媚乃讒訕而身危士訟
公冤亟舉幡而集闕下帝從民望今免胄以見國人
洵經艱危益見竒偉方主上清明於今日實邦家希
濶之昌期欲衆賢同建於事功非雅望孰爲之師表
將萬世維持之是賴何一時康濟之足言某久託在
閒欣聞盛事雖無緣旅進旅退陪賓客之後塵豈不

能大書特書續山林之野史

賀趙丞相啓

武功成拜

宋張守

決定大策建中興不拔之基褒賞元勳正上宰久虛之位王庭孚號海寓交歡竊以赤烏袞衣美征東之姬旦命圭相印咎平蔡之裴公播在聲詩光於簡冊况郤憑陵之巨敵有開疆土之宏規示丕勸於群工宜首膺於異數恭惟某官直方而能守敦大而有容獻納論思夙著排姦之節贊襄輔弼允高經遠之謀惟光武能推赤心而絳侯可屬大事會羽書之遽至奉革輅以徂征師律一新坐據江山之險捷書屢上

幾成京觀之封致醜類之宵奔本嘉猷之辰告射鵰賈勇雖多李廣之無雙指獸收功誰出蕭何之第一宜頒宸綽首冠台躔舍爵之賞旣行啓疆之期可待某逖聞誕告喜越常情昔忝同升謬託金蘭之契老思自放願諧丘壑之求頌詠之私敷宣曷旣

身自效... 某州... 宜... 賈... 矣...

召起再相

賀吳丞相召進首揆啓

宋文天祥

再登鉉路首冠鈞庭以進士為名臣兩朝倚重以儒宗為宰相四海具瞻天啓聖衷國有生氣恭惟閣下洪深而肅括光大而直方喬嶽泰山微細悉歸于涵育青天白日奴隸皆知其清明頃天子以為股肱舉海內望其風采霖雨未浹而收歛神功泰階未平而韜閔光耀共惜温公之歸洛猶期潞國之還朝偃逸藩維久鬱袞繡均調鼎味歸公之望復端鹽梅用汝之司公卿大夫交笏相慶兒童走卒舉手歡呼顧中

外不謀同辭在古今未始多見斯人之望既切賢者之責方新維今言路之不通最為天下之大弊摺紳以開口為諱事城闕以遊談為危機如人一家情睽離而衆侮起如人四體氣壅塞而百病生多故之由一類諸此枰更子改舵轉舟移惟從衆謀可以合天心惟廣忠益可以布公道盡解群疑衆難之會克有榮名成功之休

賀丞相啓 再起

宋趙南塘

命書三錫宰柄再歸定封旬月之間不變期年之內水涌星蕩轉陰沴以立消山高日昇道陽和而坐炤

越惟茲舉以莫不興版築起而商隆袞衣迎而周熾恭惟某官鍾靈世胄擢雋時髦以黜浮崇雅之辭旁通諸學以陳善閉邪之義孑立孤忠出則九牧之銓衡入則六卿之冠冕至尊屬意特未昇之廟堂太上貽謀固將託以社稷比登明辟果建元僚任重古人之風政維公望持危今日之事尚復誰為拜稽首以猶辭勅出懷而乃受于以篤神明之契豈其流習俗之言所當引正綱維然後宜昭號令力除莠害以終畝畝之成博選梓材以誌我家之恤捐蒂芥於細故自胚胎於太和若圖非常之功而下求衆庶之悅終

可父之得而中蓄二三之疑則是耻河之渾楊清於
淺瀨之激懼月之滿歛彩於小屋之繁繇前歷觀鮮
是克濟願益堅於貞幹用未答於顯休某勢限數親
分承深獎不有君子敢遂布於腹心豈無他人實相
為於骨肉置規于頌垂聽其寬

賀葉西澗左丞相啓

再起

宋王義山

恭審渙發宸綸復司台柄考槃澗處未容綠野之遊
東山袞歸再為蒼生而起黼座記勲名之舊黃扉表
風采之新巖望具瞻國勢增重恭惟某官一德元老
兩朝師儒勝事園林欲遂優遊之樂巨川舟楫正資

宏濟之功矧救弊急于救焚而望公甚于望歲白駒
皎皎食我場藿寧忍晦藏束帛彣彣貢于丘園愈加
尊禮此慨然起于屢聘之後盖將以寬乎九重之憂
方今大勢固似乎鎮安衆弊尚勞于梳剔離鴻雖集
澤而鼙鼙間為之跳梁振鷺雖充庭而鴟鴞尚慮於
飛舞必堯舜其君民為臯夔之事業仕宦至宰相初
非羨公主卷冕之榮端委坐廟堂自可措天下泰山
之重其一寒有素百拙無庸念豐水迂儒誰歟待國
士以國士拜杭山大造幸甚為門生之門生自慚竊
衣鉢之餘又獲囿甄陶之下葉子昂愈光清德已屢

形天語之褒王岩叟不出他門深有賴化鈞之造按

有門生之門生又竊衣鉢之餘又不出他門凡為門生之門生者皆可采用

賀樓參政啓

再起

宋李廷忠

敷告大廷延登次弼紫樞望重須同參玉鉉之謀黃
闈位虛當已覆金甌之姓宜茲持拜咸爾具瞻恭惟
某官皞皞儒宗皤皤國老以仲尼之道航四瀆學造
乎深以韓愈之文障百川言歸於正將身進退為國
安危方當攀真主之龍鱗何畏蹋姦臣之虎尾抗童
勇甚納履去之激綠野之波而謝人問詎容久晦起
泰山之雲而雨天下靡俟崇朝知吾道之復伸惟舊

人之是任在唐頗牧乃出禁中為漢伊周豈持兵本
其特立獨行有如此者則折衝壓難豈不遠哉救天
戈以清六合之塵却胡騎以綠五原之草中華奠枕
當宁垂裳輯此茂勲基於妙算爰進陪於坐論仍作
輔於儲明齊七政於平衡孰能如暢王暢名在八俊押千官
之重印無以易堯其託在元鈞慙非美製雖解戍僅
餘於旬月而觀光夙隔於霄涂想獨坐退思之巖有
懷零落必大開翹材之館以類甄收

賀錢大參除右相啓

召起

宋李廷忠

敷播宸綸延登英袞置具巖瞻之口寧容廷告之稽

當上聖攬萬幾之初惟中書係庶政之本四海望治
改觀而易聽百吏嚮方滌慮而洗心必將羅致時英
表建民極鋪宣大化以固國之元氣開示至公以銷
人之倖心惟時宗工自有成畫東西府二印之兼總
中外舌一時而交稱宜不動聲色之間可坐觀勲業
之就和陰陽撫夷夏永鎮辰階琢金石誓山河益光
世閱某伏讀麻制倍搖心旌竊欣宇內萬物之皆春
奚慮溝中匹夫之未澤永懷鄉土莫非依裏錦之榮
久去門墻寧復記遺簪之舊地寒寡與天幸方來不
圖垂老之年及見甚盛之舉身居保障神往翹材所
願彈冠振衣沐浴更姑之化尚能持墨弄翰歌頌太
平之功厥志惟塵茲文未究

代賀留右相啓

召起

宋王格齋

伏審大廷渙號亞輔疏榮士勵相我國家豈輕其選
王寘諸其左右今得其人綸言一頒國勢益壯恭惟
某官道隆而德備才鉅而能全解牛十九年而殊不
更刀溜雨四十圍而曾無改節舍人樣光生于鶴鷺
尚書履徑上于星辰入殫論思獻納之忠出課慈惠
循良之最隨其所到休有可書召諸天梯石棧之間
參乃鈞府樞廷之貳載調元化益峻巖瞻盖方其左

朱轡之時已繫蒼生之望迨此右臯陶之選皆歎白
麻之遲風雷之號一傳天人心交喜其寸長何有
一障是乘嘉與闔境之人同困洪鈞之化使民安田
里其孰非吾君吾相之恩雖政拙催科殆必免大譴
大訶之域

賀朱相啓

服闋
召起

宋張綱

逖違鼎席四序條其將周屏伏衡門尺書曠而弗嗣
坐念濶踈之迹曷勝慚懼之心仰恃洪私尚垂簡照
恭惟某官學窮今古道貫天人蚤膺巖夢之求遂陟
台符之峻挺夷險之一節更勤勞之百為子儀再遣

唐家名高而朝不忌叔敖三桓楚國功大而身愈卑
自遭閔艱亟解機務方奪情于優詔俄力請以終喪
隙駟如馳慨祥琴之既御鋒車促駕趣召節以非遙
卽覲宸庭還登揆路瞻儀刑於舊德大恢復乎新疆
庶寬宵旰之憂式副黔黎之望某夙承眷獎預切傾
依徂暑屆時尚炎威之未解明神來相諒素寢之多
祥願益保綏下符虔祝

賀史丞相啓

奪情
起復

宋李廷忠

起躋上袞併領元樞家事雖勤詎可辭於王事國容
既肅爰兼整於軍容宗社奠安華夷震服竊以人臣

名世之盛者固宜獨佩於安危天子舉國而聽焉豈
容或去於左右如房玄齡奪服于貞觀之際若趙韓
王復位于建隆之間朝廷恃以稽疑社稷因之倚重
所謂同德惟一伊尹乃格于天豈無他人雖百曹參
何補於漢故一時必圖舊而共政而二公亦移孝以
為忠恭惟閣下德崇而業鉅學博而用周功烈在人
豈管晏之可許規模所至及周召而乃留早繇禁塗
獨贊密議祛邪崇俊決大疑於立談之間偃武修文
興長利於旋踵之頃國本安固人心救寧弼諧未幾
經濟方懋甫正台衡之位俄纏風木之悲中宸深懷

竣訖襄於大事左貂游遣爰趣復於宰司

云云群工

百職守法度而不變外戚近習保富貴而有終城社
無所容其姦廟堂當得行其政孰出身而辦此顧舍
公其誰哉此四海所以具瞻正九重所以虛竚任天
下重幸瞻赤舄之來為帝者師佇復青氈之舊要使
一門勲業之盛有光千載簡冊之傳其夙在洪鈞欽
聆渙號睠疇昔已蒙於百諾諒伊匪定沐於一陶歌
杜陵之詩願永依於廣廈為魏公之客豈復出於他
門

賀江右相啓

再起

宋王 實

大老造朝元台正位歸公有袞繡我來自東用汝作
鹽梅王置諸右三台明槩八表清夷恭惟閣下行關
百聖氣塞兩間於前輩人期之以伊尹傳說今從學
者尊之如韓愈孟軻自其馳驅外服出入中朝洛中
偃仰之年江上經營之日以至贊先王之大政參嗣
聖之初元賢與不賢一言定其可否用或弗用四海
視以重輕卓然一時人望之宗展也三代王佐之事
屬登庸之伊始問夢卜以孰賢朕安得斯人哉固無
踰老臣者乃申帝旨乃穆師言金甌覆崔相之名銀
信促鄴侯之覲朝士舉笏相賀都人遮道聚觀天子
引見以勞歸東朝出饌以錫宴遂出政路徑秉國鈞
莫難得者海內相望之深最罕遇者君子氣類之合
方今師維尚父右舉臯陶贊襄於都俞之間寅協於
和同之際鈞無垠而播物相天地理陰陽鼎有足於
承君安國家定社稷俾我后五三之盛真吾儒千一
之榮其猥在山棲欣逢府冊親見上下雲龍之際豈
徒門闌燕雀之私陽翟歸耕回首舊時之學士徂徠
作頌傾心今日之太平

賀湯榮公啓

召起

宋周必大

召還袞鳥對掌鈞樞升之賜位之尊胙以諸公之貴

雖王曾再入姑循景祐之舊章而曹相定封實處鄴
侯之前列制書一下歡頌四馳恭惟某官絕識鄰幾
孤忠拔萃蚤恢隆於相業久慰愜於民瞻事有從違
時存用舍挺然勁節目不改於雪霜曾是浮雲果何
傷於日月逮茲委重初不辭難言念比年適逢多故
技非越人不足以治衆疾力非烏獲不足以勝千鈞
然而廷議靡同敵情叵測師已疲而鮮嚴尚遠民既
困而趣辦方興明良都俞固屬一堂之默運䟽附奔
走亦資百執之贊成顧毳毳者每嘆難全而碌碌者
豈能成事封大夫於卽黑黻已日聞補袞職於仲山
愛而勿助正資碩望力制頽風庶幾期年馴致大治
微管仲其左衽矣豈徒銷猾夏之憂用仲尼爲東周
乎且復有變夷之望某徃從陪侍卽辱矜憐方幽屏
於田間乃逃傳於典榮嚮也蒙此爵位本出將軍之
門今茲譬之宮墻不見宗廟之美但同野老未託化
工

賀丞相啓 起復

宋洪 适

恭審孚號揚廷移忠體國奮庸而熙帝載獨嚴鼎鉉
之司不戰而屈人兵更妙斗樞之運兩宮倚重萬宇
均歡切以同天下之憂者不當先一已之憂達聖人

之節者烏可徇匹夫之節故論相尤難於應變而顯親莫大於揚名高廟之圖任舊人雖奪情而不憚阜陵之簡求元輔亦變禮之是行關兩廟胥會之期垂百世無窮之譽越在今日有光前人恭惟某官節勁而氣和材全而德備是父之有是子不特大韋平之世家吾相之與吾君可謂得伊呂之王佐任重九釐之負地功高一柱之擎天盡掃妖氛力扶元氣退小人而進君子迄成去四凶之功弱私室而強公家蓋有墮三都之意俾外夷之奪氣知中國之有人用能成召陵之盟于以息甘泉之警九廟壯覆孟之勢萬方登巖石之瞻股肱良哉納君德於無過之地羽翼成矣貽孫謀於有道之長方注意于鹽梅遠傳志于風木孝思雖切睿簡在深當饋而嘆無蕭曹天子久爲之虛佇奉書而召致園綺儲君日望其邁歸三命俯於謙謙終吉之餘四輩趣於遲遲吾行之頃欲強謝公之起更圖申伯之居爰入覲於天光庸進專於魁柄嘉謀謹論周旋父子一堂之間文德武功維持帝王萬世之業腹心惟舊體貌加新通圖康濟之勲丕展經綸之學調玉燭之四氣已觀大旱之作霖陳泰階之六符更驗上台之齊色其影沈非地夢斷鈞

天委心下地之塵埃傾耳上公之典策知太平之可
冀識吾道之將行厚德元勳復觀淳熙之相業濃墨
大字願賡慶曆之歌詩欣頌惟深仰摩罔究

猗猗嘉穀蔚蔚周文千一堂之間文思力也非特
擬公之狀更圖申申之語受人雖欲天不聞其專欲
補敘精精錄錄吉之繪四輩殊欲數數吾行一良於能
爲之盡心奉書而召姪團團辭辭日望其歲歲三命
風木幸思難回春簡亦深當讀以與無無問天千人
如矣頌頌結結百首之長式去意于盤盤盡盡而志于
大登登以之觀觀則身若若無無而無無之此此也

賀王荆石相公啓 再起

明季言恭

伏審武丁恭默以興商夢寐之賢惟肖司馬退休而
居洛公輔之望益高蓋惟王者之君必生名世亦惟
懋德之老祗服師言屬綸綍之自天應鼓舞之載道
恭惟閣下獨抱遺經力追古作故能奪多士之氣取
象魁三蓋嘗登太微之庭去天尺五金華勤講非堯
舜之道則不陳玉璽緘辭編詩書之冊而無愧帝方
眷倚民亦具瞻勇爲陳情豈曰遲遲而去國極知大
節必能拳拳以愛君愈懋簡于清衷更大孚于雅望
特從綠野晉陟黃扉二節星馳傳係吾君之親擢九

關天近諒匪真儒而孰歸燮替萬機其稱冕旒之意
重增九鼎共瞻衮舄之儀某密適隣光欣聞邸報隔
茲衣帶之水莫履簪纓之塵帝賚弼用作霖喜峻直
西清之邃君命召不俟駕幸無東海之淹敢竊問夫
行期容續陳其賀悃

代賀太倉王相公啓

再起

明董應舉

寵承明綽復起元台圖任老成見聖明之獨斷播聞
朝野覺夢卜以猶賢自古君臣之遭遇甚難當揆始
終之功名亦寡中書三入僅有其人綠野重來鮮繼
其烈彼皆翕孚于上下故宜獨佩于安危有美前徽

孰熙盛事恭惟師相閣下忠扶聖日識際道淵魚水
煙雲本無心於擇便宗廟社稷乃為國以出身曾定
國本于紛紜力爭之時却歛神功于寂寞鴻蒙之野
沈幾先物有古文臣之所不能經化贊元為土聖心
之所深屬頃因爰立時慈師言環顧在廷豈無二三
之老為予總揆莫如耆耇之臣恭默之思既精無煩
象審平章之治已効不待疇咨果知賢聖之相求復
使地天而為泰某深念太平欣聞異詔劉器之之於
司馬雖簡起居石守道之於希文能忘歌詠但願三
光七政之調得安丘壑且覩十拜四登之盛長衍箕

喪

賀王相公啓

再起

明龐時雍

正色立朝相業交輝于玉鉉赤心報主台衡增重于
金鑾特勤三幣之殷用協一堂之慶華夷胥戴為重
宗社共倚而安恭惟相公閣下純孝天成精忠神發
植綱常于辛巳勁節與日月爭光請建立于庚寅大
義同乾坤不朽方延帝眷即趨紫禁之班竟念慈顏
遙拂黃扉之袖家慶已踰半載國恩未間一朝綸音
屢下于楓庭字字藉擎天柱石天使頻煩于梓里時
時倚衛國長城懸中台久待上公九重異數虛首揆

專尊元老千古殊榮某白面書生濫沾化雨朱方下
吏謬領春風頃伏謁于台垣未遂登龍之願旋奔馳
于衝邑愈隆附鳳之心竊念子明領平徐出一言而
朝廷重孝先掌秘省力調兩地而社稷安自昔二公
固皆終身尊居元輔如我師相豈容一日不在中書
伏願俯念四海謳吟早謝香山之社仰答一人寵眷
即登渭水之車沛霖雨于蒼生弘調燮于廊廟則君
臣魚水永孚一德之交而父子箕裘再應三槐之兆
下情無任云

賀王相公啓

再起

明鄭明選

伏聞入覲宸旒進居闕席舉召公于右甫平猾夏之
憂歸姬旦于東遂究經邦之畧縉紳相慶竹帛有光
恭惟師相閣下熙朝良弼命世真儒清矣風標自足
剪松江之水恢乎才刃直將劈太華之峯香擢于八
龍之荀雄推于三虎之賈筆敷華采擷江淹夢裡之
花吻縱波濤傾杜甫胸中之峽掇科名頡頏賈董建
勲業軒輊伊周幹回坤軸漢江無一點之渾撐住乾
樞日月有重明之象雖大臣恪職曾弗告勞然聖主
加恩有不容釋密勿楓宸之對輝煌薇閣之麻鼎實
新調袞衣重補其濫叨刺部幸炙休光竦聞東閣之

開自笑南轅之左謹呈蕪句聊殫芹誠

賀王對南相公啓

起復

明裴應章

元臣辭密勿久離鼎鉉之班聖主眷忠良特渙絲綸
之詔恩隆晉錫志洽泰交恭惟閣下間氣鍾英貞元
毓秀文經天地早蜚華譽于詞林德備中和懋展訂
猷于綸閣殫純忠以啓沃弼一人為舜為堯輸經濟
以彌綸莫四海如春如夏表百僚而臣儀樹三台赫
耀卓矣龍夔簡五位而天子葵一德交孚懽然魚水
昨者祥琴初報晬溫喜動於龍顏亡何徵詔遂頒燦
爛充騰於鳳藻駢駢星使恍疑天上馳來燁燁蒲輪

忽自雲中就迂官階崇八座祥開建禮之門位望震
三公瑞藹論思之閣誠華夷之快覩朝野所歡騰者
也其猥以庸愚夙蒙培植覩鶴書之登隴徒切彈冠
繫麋谷之遐取無能飛鳥敬東戔戔之帛用伸款款
之忱伏願道合明良心純夙夜雍熙景運八荒瞻王
燭之調輦固皇圖萬載享金甌之盛

賀潘相公啓 再起

明張佳胤

風雲際合公承帝命以遄歸槐棘高穹望協人情而
復相綸音誕播輿論同歡恭惟某官學貫古今名垂
天壤魏科親擢于皇祖元德特簡于聖衷聿懷黃髮
之臣用踐上台之位去國原非既久得君如此其深
宜駕追鋒就登師席次第起維新之治從容開久大
之圖可謂明良一德上下交成者矣某夙荷特知叨
承名省覩賜環之盛事當負弩以前驅先具篚篚之
儀聊代羔雁之敬仰希鑒納曷任光榮

賀張相公啓 服闋再起

明徐渭

孝有餘哀終身卻棗禮緣中制迫吉援琴惟君臣敦
一體之情故憂樂倍相關之切綸音優渥豈直重申
賜物駢繁直逾三錫階既崇于師傅廕復寵于箕裘
而且母后同心藹家人父子之義平臺前席為家人

社稷之謀曠古所無普天胥慶蓋緣盛德足以當此
故雖特典受之當然其叨奉樞趨不勝踴躍顧因遐
遠徒切瞻依肅共修藻之儀敬效食芹之獻望台階
而百拜恍紫氣之當眉臨筆楮以九迴耿丹衷之在
膈省循仰戀倍萬恒情

賀太倉相公啓

再相

明董應舉

代

寵承明綽復起元台圖任老成見聖明之獨斷播聞
朝野覺夢卜以猶賢自古君臣之遭遇甚難當揆終
始之功名亦寡中書三入僅文穆之有聞綠野重來
惟晉公之為烈彼皆翕孚于上下故宜獨佩於安危

恭惟某官忠扶聖日識際道淵魚水煙雲本無心於
擇便宗廟社稷乃為國以出身曾是國本于紛紜力
爭之時却歛神功於寂寞鴻濛之野沈幾先物有古
大臣之所不能經化贊元為上聖心之所深屬頃因
爰立特慈師言環顧在廷豈無二三之老為予總揆
莫如耆耆之臣恭默之恩既精無煩象睿平章之治
已效不待疇咨果知賢聖之相求復使地天而為泰
某深念太平欣聞異詔劉器之之於司馬雖簡起居
石守道之於希文能忘歌詠但願三光七政之調得
安丘壑且覩十拜四登之盛長衍箕裘

其義念太平初開異端禮器之文以同禮樂開時
日效不特翻容果賦賀聖之琳來對則此天而高秦
莫岐青香之田恭想之恩到辭無賦象齊平章之
受立有滋和言難題五我豈無二三之夢為平路
大臣之祖不指舜外贊示為上聖以文而氣與因
年之報法熾華也欲求實與氣之理亦幾出於古
對與宗廟其憂不念因以出良曾具固本千餘
恭拜其甘忠壯望日滿烈直熾魚水豐雲本無必

致仕

賀崔相公致仕啓

唐薛逢

某聞川梁壅而舟楫施禾黍登而霖雨霽天地常數
古今其然伏惟相公理達卷舒用明進退調陰陽以
成歲受功於天執謙讓以歸仁弘道於已所謂進退
惟正卷舒適時其每念庸虛常蒙匠化當幽滯之求
振拔則且願持權在甲墾之望廕麻復稍思稅駕從
古難者于今見之雖范蠡登舟子房避世方之高躡
何足比肩悽悽懇誠伏望深鑒

賀韓魏公啓

致仕

宋王安石

在舊史四卷六
寵辭上宰歸榮故鄉兼兩鎮之節麾備三公之典策
貴極富溢而無亢滿之累名遂身退而有褒加之崇
在於觀瞻孰不慶羨恭惟某官受天秀氣爲世元龜
誠節表於當時德望冠乎近代典司密命總攬中權
毀譽幾至於萬端夷險常持於一意故四海以公之
用舍一時爲國之安危越執鴻樞遂躋元輔以人才
未用爲大耻以國本不建爲深憂言衆人之所未嘗
任大臣之所不敢及臻變故果有成功英宗以衰疾
荒迷慈聖以謙冲退託內揆百官之衆外當萬事之
微國無危疑人以靜一周勃霍光之於漢能定策而
終以致疑姚崇宋璟之於唐喜致理而未嘗遭變記
在舊史號爲元功未有獨運廟堂再安社稷弼亮三
世救寧四方岫然在諸公之先煥乎如今日之懿若
夫進退之當於義出處之適其時以彼相方又爲特
美其久於庇賴實預甄收職在近臣欲致盡規之義
世當大有更懷下比之嫌用自絕於高閣非敢忘於
舊德逃聞新命竊仰遐蹤

賀趙少保啓

致仕

宋王安石

抗言辭寵得謝歸榮繇西省諫諍之官序東宮師保
之位殿庭鳴玉尚仍前日之班里舍揮金甫遂高年

之樂伏惟某官懋昭賢業寅亮聖時伯夷之直惟清
仲山之明且哲所居之名赫赫豈獨後思爾瞻之象
巖巖方當上輔遂從雅志實激貪風未即披承徒深
瞻仰

賀歐陽少師啓

致仕

宋蘇軾

伏審抗章得謝釋位言還天眷雖隆莫奪已行之志
士流太息共高難繼之風凡在庇庥共增慶慰伏以
懷安天下之公患去就君子之所難世靡不知人更
相笑而道不勝欲私於為身君臣之恩係縻之於前
妻子之計推葺之於後至於山林之士猶有降志於

垂老而况廟堂之舊欲使辭富於當年有其言而無
其心有其心而無其決愚智共蔽古今一塗是以用
舍行藏仲尼獨許於顏子存亡進退周易不及於賢
人自非智足以周知仁足以自愛道足以忘物之得
喪志足以一氣之盛衰則孰能見幾禍福之先脫徒
塵垢之外常恐茲世不見其人伏惟某官全德難名
巨材不器事業三朝之望文章百世之師功存社稷
而人不知躬履艱難而節乃見縱使耄期篤老猶當
就見質疑而乃力辭於未及之年退託以不能而止
大勇若怯大智若愚至貴無軒冕而榮至仁不導引

而壽較其所得孰與昔多其受知最深聞道有自鮮
外為天下惜老成之去而私喜明哲得保身之全伏
暑向闌台候何似伏冀為時自重少慰輿情

候趙大資少保啓

致仕

宋蘇軾

抗章得謝奉冊言還縉紳聳觀閭里相慶竊謂富貴
不為至樂功名非有甚難樂莫樂于還故鄉難莫難
于全大節歷數當今之卿相或寓他邦究觀自古之
忠賢少有完傳錦衣而夜行者多矣狐裘而羔袖者
有之至若百行渾圓五福純備當世所羨非公而誰
恭惟某官道心精微德望宏遠無施不可充高臺諫

之風所臨有聲最宜吳蜀之政才不究於大用命乃
係於生民與時偕行不可則止見故人而一笑緯有
餘歡念生平之百為絕無可恨方將深入不二獨遊
無何默追絜可之風坐致松喬之壽某荷知有素貪
祿忘歸慕鸞鶴之高翔眷樊龍而永歎傾誦之素敷
寫莫窮

賀周少傅啓

致仕

宋陳耆卿

勇退莫回䟽榮益寵推較近世謂當班文富之間瞻
彼高風乃忽在羲黃之上雖僚友悲而惜其去然猿
鶴舞而候其歸攜持全名照映往古恭惟某官勳在

藝鼎名滿華夷方堂堂當國之秋極蹇蹇匪躬之操
格天扶日了無一節之詭隨破斧缺斨始有後來之
洵湧人方願去子高之胄公乃遂掛神武之冠從容
綠野之遊繼繼赤松之約方將騎牛澗壑盡領故山
之雲煙抑且策杖漁樵不署褰時之爵里世如果有
仙者公獨非其人歟某立弟子行從大夫後昔者在
青雲之表自憐無附驥之階今茲遇紫氣之祥第欲
上著書之請

賀魏大參啓

致仕

宋宋齊愈

懇謝領機寵頒殊渥冠崇班於書殿躋峻陟於文階
方疇霖雨之賢進顯秉筆乃抗浮雲之義早遂掛冠
帝借老成之莫留士嗟明哲之難繼歷數聖朝之近
輔幾全賢德之高明泰和乞身而歸乃罷政之後姑
蔑引年而去非釋位之初然猶野史屢書朝士交贊
而况位方居於廊廟名正勒於鼎彝竦巖石之具瞻
思急流之勇退是爲希曠孰與等夷恭惟某官命世
碩儒爽邦鉅哲佩龍淵之賜夙長文昌之六聯躋鳳
沼之班纔下丞相之一等既任安危之重復爲進退
之先子房雖暫與赤松之遊安石必更爲蒼生而起
某蚤蒙提獎晚荷陶甄望有道之門墻自憐拘繫侍

鉅賢之几杖未獲周旋意傾嚮以彌勤詞鄙訥而難盡

賀趙宮保啓 致仕

宋曾鞏

竊審進秩官朝歸榮里閤伏惟慶慰恭以致政宮保閣下言為著蔡行應準繩有一德以在躬歷三朝而遇主讜言大論著在朝堂善政流風被于藩服引年求謝抗疏彌堅屢德降音方倚老成之重難回壯節憫有官職之勞躡陞儲采之華退遂居家之樂門開祖帳衆嘆大夫之賢庭列賜車自知稽古之力惟能申於素志實何愧於昔人其密荷陶鈞與游門館觀大賢出處之迹足勸士倫知儒者進退之宜敢忘師慕其為忻躍倍萬等儔

賀楊閣學啓 致仕

宋周必大

掛冠神武錫馬康侯職在紫清榮陞四等秩參黃散優進一階詔綽光華縉紳歆艷恭惟某官直方如伯起清約如公權準易有執戟深湛之思為文無盈川輕薄之體具今古之全美震華夷之盛名延登可期勇退何果風月三千首重繼翰林休閑二十年定追洛社蓋意新者寧拘齒宿而德邵者常在年高優哉游哉休矣美矣見故人而一笑時揮鶴禁之金通大

道以三盃白飲螺江之酒其游從最舊出處頗齊前
進士同稱猶記曲江之宴故將軍相過任從醉尉之
呵願言俾壽之昌永作斯文之重

賀陳丞相致仕啓

宋周必大

連章請老優詔閔勞執玉帛于新班位隆亞傅易茅
封于舊鎮地統故鄉仍秘殿之大名極宗工之異數
縉紳創見夷夏樂聞恭惟其官德博而裕于才器閔
而冲于用以奧學雄文冠多士以忠言直節居大僚
爲善未嘗近名而聲譽之歸不可遏事君未嘗枉道
而爵祿之至不可辭周旋鈞樞弼亮神聖謀斷兼乎

房杜都俞踵乎臯夔粵夫廟堂屢臨藩屏力方剛而
抗疏欲追六一之高風年甫及而掛冠迄遂沂公之
雅志優游里第涵泳天真二疏賓客之相娛萬石子
孫之甚謹謙備六爻之吉悔吝不生壽居五福之先
康強未艾在前輩或難于盡善惟哲人獨享其全功
然而尚父之佐武王潞公之師元祐皆來歸之既老
豈得謝之可居公固無心上猶有望其敬懷知喜已
聽傳家顧希驥以未能思執鞭而甚切仰勤榮問徒
激懦衷寒力方凝燕超多助冀益調于鼎食永不聳
于民瞻

賀史太保致仕啓

宋周必大

交貢封章懇還官政升上公之秩序荒全魏之土田
在耆儒則崇止足之風於聖主則極褒崇之禮典冊
既下簡編有光君臣之間可謂兩得中外之衆固宜
交歡恭惟某官進道淵深宅心廣大學無不通故見
之著述者多而益辨氣有所養故施之事爲者久而
益新兩持一相之權歷踐三孤之貴視物猶已愛憎
泯然毋我負人忠恕多矣是宜壽考康寧而天不靳
功名終始而人不疑逮辭寵利以弗居愈覺身名之
俱泰召公爲保雖厥位之已同尚父維師顧其年之
未至况舊勤於分陝恐終佐於伐商某蚤託甄陶喜
揚綸綽非敢緩屢成之賀謂當循廷謝之規今觀宸
章果符輿望惟是先施之辱寧無倒置之慙迎拜匪
遙欣愉更切

賀宰執啓

致仕○摘錄入事

宋人

冠崇班于書殿躋峻陟于文階方疇霖雨之賢進顯
秉筆乃抗浮雲之義早遂掛冠帝惜老成士嗟明哲
佩龍淵之賜夙長文昌六聯筮鳳沼之班纔下太微
一宿

一帝

鳳皇文昌六經發鳳以之班麟于大端
乘筆以誅我雲之舞早數世京師計古如士樂同昔
宗崇班于青嶼瀨淵翅于文淵文淵霖雨之寶數臨

賞幸持智

絲人車
好計○辭

宋入

蚤效命與世

相之權所與二孤之貴視物猶已愛惜

章果齊興望郵是去誠之翠寧無何置之德與我里
對餘絲非如絲夏如之賢階當斷我騰之慰今借冥
未至其善謹然余刻悲絲式欲外商其登詩題國喜

賀張閣下致仕啓

其辭出陳箕
窓者刪去

明陳王庭

恭惟相公閣下天朝柱礎斯世斗山謀斷兼平房杜
名塞寰區都俞踵乎臯夔功高藝禹衆方欲為會稽
之箭公乃遂掛神武之冠與雲霞為伴侶從容綠野
之遊代松菊作主人繾綣赤松之約朝歌夕詠悠然
忘機左絃右壺樂矣自放雖廟廊思耆舊屢勤加璧
之招而巖谷隱神仙竟遂拂衣之志比李鄴侯五不
可百世同符視司空圖三宜休兩賢一轍某希逢盛
事徒激懦衷望青雲之表自憐無附驥之階瞻紫氣
之傍第欲托傳鴻之札仰惟台鑒不盡巖瞻

賀許相公歸歛啓

明樊玉衡

日麗黃扉一代明良喜起堂開綠野四時風月徘徊
 勛勒鼎彝望重朝野恭惟其官奎躔毓秀嵩嶽鍾英
 殿上唱臚名雲呈五色禁中當制草日過八磚金甌
 茨覆沙堤度十里之春玉燭長調國柱繫萬年之固
 頃緣建議暫爾歸休雖手足腹心情同一體乃江湖
 廊廟勢若相懸每傾葵藿以輸忱時撫菊松而寄傲
 群臣望丰采允矣周室父師異域問起居奚啻宋家
 司馬其猥以樗櫟之材濫廁桃李之末恭諗南旋擬
 効勤于芹曝偶因比上竟莫報于涓埃謹端一介以
 賚緘恭扣九闈而問候仰冀台慈俯垂昭鑒伏惟爲
 道崇燮華迓天庥洛社暫歸憂未忘于丹闕東山養
 重望更切乎蒼生效潞國輔相三朝法畢公元老四
 世

賀相公啓

致仕
摘錄

明沈朝燁

雄麻渙命孤棘辭班天之柱國之梁世尊元老鼎有
 足柱有礎民方具瞻平淮用八千兵更酌謝傳蒼生
 之志辭齊封三萬戶曾尋留侯黃石之盟

文志報齊桂三萬只會集留黃可之盟

吳卦亦歸刃古具離平並用八千共與朝儀斬祭主

兼麻與命麻棘報班天之休固之聚廿草六步與自

賢財公智商維姓廿

相水陣鞅

卅

重望更世平養主效器固靜財三障必里公示家四

重崇德亦長天祚谷古曾趙晏未忘千丹關東山登

齊深亦平大開而問刻何真台慈雨垂聖聖大對益

啓雋近體卷七

類函十九

東吳俞安期羨長稟編

上饒王嗣經日常同輯

宰相部五

高淳韓仲雍璧哉訂定

賀存問

賀呂期翁存問啓

明董份

黃閣風清台鼎效調元之績紫宸露湛宸綸隆憲老

之儀寵賁林中歡騰海上恭惟元老台座生鍾間氣

出應昌期堯山之壑傳芳厚址盤摩霄之瑞舜水之

波啓運靈源縈積石之奇自司成入躋燮理夙簡帝

心由丞弼出掌端揆倍膺天寵藹若陽春之和煦人
人若與可親浩如巨海之汪洋物物同胞不忤遵王
道路奉皇極之敷言俾爾熾昌衍闕宮之純嘏袞繡
初遵于鴻渚恍依日覲之光簪裾茂集于鴻圖益見
雲仍之盛惟功存于社稷矧慶積于家庭謝傅之蘭
奕葉素叢于相府邠生之桂一枝獨占于上林龍虎
榜頭輸仙郎奪標之手熊羆夢裡屈尚父垂釣之竿
射策而喜動天顏驚擲泥金之報懸弧而恩頒帝闕
恍分雲錦之章鉅網羅才長絃掩雋提之汨沒起迹
羊豕之間出之風塵共赴雲龍之會敬申罔極圖報
無涯不賜鄙夷曷勝歡忭

賀呂師相存問啓

明黃洪憲

嵩壽天齊膺一卅阿衡之重奎章霞賁報三朝鼎鉉
之隆色映蓬萊光騰華蓋恭惟某官黃扉頌輔紫府
仙卿天挺英資地涵懿德蚤馳聲于文苑組綯春花
卽秉軸于台垣茂叢秋實經以文緯以武萬邦享嘉
靖之休陶以禮和以樂四海奏泰平之績迺因秋風
稔駕養重望于林泉夜月除冠抱高名于雲石屬茲
流火之候爰當誕日之期台市輝煌識受環之有自
長庚璀璨徵錫壽之無疆野列堂開培玉樹長珠胎

隱隱室如蓬島芝呈鶴獻流紫霞歌白雪僊僊客並
喬松蓋曠古未逢之盛當今獨履之祥也某罪深阻
地叨聯公姓金蘭誼辱通家未託先人袍笏孫陽剪
拂駑駘何幸騰驤師曠雍和蒼鷗亦應博舌神馳北
海敢忘金策之恩酒獻南山聊上玉杯之祝

賀郭東楚相公存問啓

明于慎行

天書渙寵特修憲老之儀帝傳承恩益重尊賢之典
黃扉盛事青史美談恭惟閣下一代宗臣三朝元老
統百官而贊政夙高藻鏡之勳間兩社以輔公載茂
旂常之績備人間之福五地上神仙兼天下之尊三

山中宰相卜熊羆而應兆年符渭水之占衍麟鳳以
傳芳世繼汾陽之武允協熙時之上瑞宜膺曠代之
殊榮四牡使臣奉綏函于內殿三河守吏迎絳節于
重城光被林皇歡生道路某詞場末品海國孤踪晚
入漢廷未獲掃平津之閣遙瞻洛社空思登綠野之
堂幸舉鴻儀殊深雀躍映德星于帝座色齊兩兩之
階開壽域于仙臺祝介于千之筭

代賀申相公存問啓

明董應舉

詩歌萬壽篤彼基光書引厯年歸之平格故上庠鯁
噎之祝惇史憲乞之文非藉達尊孰熙盛典顧自古

大臣際遇之盛不必功名壽考之全或初當于上心而遽成方鑿或遲回于末路而不及著簪未有芝含玉秀花映金輪早開黃石之符晚結赤松之好始終寵眷保艾優隆再見紫谷之祥光親被彤庭之慶問如今日者也恭惟閣下受天間氣爲世元龜乘風雲魚水之歡勤思斐迪見堯舜君民之業旁作迂衡却歛神工○○○○從容綠野托家國于鳳毛管領青山下神仙于鹿馭然而帝懷更老方草漢儀天建元儲遂勤周典雲霞破曉煩天使以起居日月重光被恩暉于岩屋高風振俗通德表時是爲明良道誼有終之交不數前人身名俱泰之美某向在陶釣久依山斗快觀詔書益深羨躍爰茲束帛寧布一已之私巋若靈光實爲天下而慶

代賀王荆石相公存問啓

明董應舉

天建元儲詔存舊德恩加醕饋豈獨修惇史之彌文使問起居實欲貽後王之不則事光載籍喜動門墻恭惟恩師閣下道包萬有忠貫三精蚤乘風雲魚水之交勤思迪篤欲見堯舜君民之業旁作迂衡自綠野一歸而皇途多故及東山再起而國本始安時已轉旋于乾坤師復從容于煙水子房辭爵翻成皓綺

之功李泌還山竟定廣平之位故知當時出閣之允
卽爲今日定策之辰民無能名上巳自悟遂緣慶典
特賜禮存壽考惟祺方契心于引翼典刑尚在將留
相于子孫自古大臣始終眷遇之隆幾人若此况夫
父子道德功名之盛近世所稀凡在觀瞻孰無欽羨
某義屬在三恩未報一欣聞新寵倍踴常情坐守關
門未暇著書之請還因詔使敢開徒裝之期

賀呂相國存問

壽誕

明余有丁

星臨南極藹紫氣于璣衡序屬朱明來清風于殿閣
光騰梓里詔出楓宸恭惟閣下一夔佐堯二疏去漢

謝黃扉于上國開綠野于東溟皓首居鄉江湖雖遠
丹心對日魏闕常懸茲加雲錦之頒爰荷溫綸之寵
探仙芝于桂嶺敞壽宴于蓬瀛雪頰滿頭文潞公精
神倍爽霜毫生額謝太傅強力猶新玉帶與白晢交
輝袞服與青瞳共燭簪裾繞膝下孫曾盡瑣闥之英
簫鼓開堂前几席絕神仙之侶某一行作吏十里緘
辭望甫公之蒲輪想周家之渭水係官冀北莫趨元
輔以依歸引領日南咸指大椿而祝頌

輔以新編臣於日南風許大赫而跡於
報望甫公之甫輔賦周率之獸水烈宮莫北莫岐亦
蕭楚開堂而八帝絲輒山之留其一
蘇芬明與青鄭共飲藉蘇蘇粗不蘇曾盡衛國之與
輔部與露亭主露博太軒武八前蘇王蘇與自曾交
新山芝干卦黃炳壽冥干奎藏重而蘇而文蘇公蘇
其以惟日蝶闕常濕茲叶雲論之獸文尚感蘇之蘇
情實報干土國開絲裡干東莫胡首以豫玉賦謝教

進封

賀相國進汝南公啓

唐李商隱

慶屬中興運推常武仰窺金版遐考瑤圖順祖之孝
思丹青曾閔憲皇之武力刀劍彭韋聖上初九潛淵
登三佩契以后稷岐疑為小慧故人莫得知以漢皇
雲物為不祥故神無所豫洎陟元后洪惟長君固必
降非常之人輔維新之政伏惟閣下昭回降彩沆瀣
融精往執靈銜正星辰之分野今調鏤鼎猶日月之
得天昔軒后師臣成王畏相殷奉伊尹則謂之元聖
周事呂望則命為太公至于姬旦金縢不與燕召同

列仲尼麟史不令游夏措辭甘盤尊舊學之名夷吾
居仲父之位上下交感人祇悅從是我后夷姦秉哲
之辰是閣下宰物康時之夕清廟係心蒼生延首允
也無間樂哉惟時某早奉輝光嘗蒙咳唾牛心致譽
塵尾交談而契濶十年流離萬里扶風歌則劉琨抱
膝白頭吟則鮑照撫膺重至門闈空餘皮骨方從初
服無補大鈞穿履敝衣正同東郭槁項枯馘乃類曹
商未知伏謁之期徒切太平之賀

代賀史丞相啓

轉光祿大夫
進封魯國公

宋王格齋

孚號大廷䟽榮顯渥刺經作制勒成顯壘之書屏土

苜茅奄有龜蒙之境仍稽故典峻陟文階金童式煥
于民瞻采地增倍于邑入命冊一下歡聲四馳恭惟
某官道冒古初功存社稷洪鈞轉一氣乾坤日就于
清夷庶績撫五辰星宿亦為之明潤自贊解弦之化
益隆調鼎之勳年穀順成和氣旁行于農畝遠人咸
慕夕烽不到于邊城坐令薄海內外之人如在先朝
全盛之世爰輟秉鈞之暇定為畫一之規合古便今
可通行于萬世舉綱撮要以明示于黎元爰洎選于
良辰庸徹聞于黼辰肆單茂賞載答顯庸登進厥明
在王庭俾聞播告永弼乃后于彞憲勿替欽承嗣膺

維師尚父之尊有光先正保衡之列其心馳恩地迹
滯侯藩靈丹就而鷄犬俱仙敢萌榮望大厦成而燕
雀交賀空激抃踪頌咏彌勤科條莫既

賀丞相明堂成啓

進封魯國公

宋劉克莊

播告大廷褒崇真宰類于上帝聿稽宗祀之文相維
辟公爰侈冢司之握非止衍戶畚之入蓋益隆巖石
之瞻典策一新縉紳交慶恭惟某官功存社稷運際
風雲綽然應變守文之才巍乎經體贊元之學維聖
上敬天之意一本至誠自清明更化以來四成熙寧
幾舉行于縟禮皆典領于首台日者熾太享之儀消

中辛之吉月星明概乾坤清夷奠玉而神祇顧歆合
侑而祖宗昭格法車寶輅肅臨清廟之亘邊矢芻蕘
珩於赫上公之冕服以至御樓肆筵清蹕還宮祭澤
流行天顏開喜厥有顯相之號恨無可訓之官荒大
國之封豈惟奄魯紀中書之考其永相唐茂對龍光
密扶龜祚某屬縻符鑰快覩制麻徹申伯之田欣聆
異渥入平津之閣莫綴賀賓

賀丞相啓

時明堂慶壽并冊皇
后禮成平淮寇奏捷

宋李廷忠

邦慶頻仍王勳赫奕事天明事母孝新周南正始之
基有文德有武功策召公平夷之績一相主內四夷

其瞻恭惟其官氣塞乾坤忠貫日月大鈞播物風霆
不顯其流形直柄當權木火共成于正味無妄遊安
于勿藥有孚信利于涉川理身理國厥既而全治內
治外粲然兼舉肅雍顯相而於穆清廟涓選休成而
爰熙紫壇太姒嗣徽音正九重之寶冊王母受介福
奉萬歲之玉卮豈謂孽臣之奸驕敢負湛恩之汪濊
楚氛甚惡動兵邦域之中漢相有真折衝尊俎之上
薄言討伐亟遂殄殲南方之強歟北方之強歟風移
俗易東夷之人也西夷之人也氣奪膽寒風聲鶴唳
不但平淮雪夜鷺鳴更觀擒蔡信君子不戰戰必勝

知人臣無將將則誅非能人百而已千疇見兼三而
施四輔成帝略悉出廟謨近使觀其知煩使觀其能
曾不陳于聲色無事用之禮有事用之戰悉顯奏于
膚公非無敵用儒者之真孰自任以天下之重黃河
如帶山如礪疇高蕭相之功西平有子我有臣請繼
柳侯之雅某久違光範逃守夜郎揆分雖一蟻之微
聞喜極六鰲之抃燕雀賀夏豈惟免風雨之憂鴻鴈
賓秋更乞遂江湖之樂

賀史丞相啓

父太師魏王
追封越王

宋李

劉

加冊元勳配祠清廟考十八侯定位之次惟蕭蓋侑

于祭庭應五百年異姓之封于越肇開于封土遂吾
相顯親之願彰我皇念舊之恩宗社同休華夷胥懌
恭惟某官始終三紀師保萬民湯于伊尹蓋學而臣
之克同一德舜舉臯陶不仁者遠矣允協重華宜侑
食以匹休曾易名之未稱思股肱于甘露想形貌于
凌煙一卷之書必立師矧實先朝之舊學七世之廟
可觀德誰踰烈祖之老臣徼彼土疆復爾邇豆惟冒
丕單稱德峻加茅胙之分茲予大享先王永配椒馨
之薦大昭異數夔掩前聞伏遇某官克享天心善繼
人志故國非謂喬木苦荷世臣成績紀于太常以昭

先烈用忘茲貢曰篤不忘其世沐殊恩身逢盛事屬
嬰美疢莫陪東閣之省疇允大邦切頌西平之子

賀史相國

封魯公
○摘錄

宋李廷忠

玉陛奏書金章進秩整齊吏治率循蕭相之規侈大
國封式顯魯公之拜疏渥衍戶租之邑開圻重儒服
之邦晉捧絲綸旋調鼎鼐龍顏開霽喜伏蒲風采猶
存豸角分輝知橫榻步趨相繼阻陪鳴尾冒處騎頭
謬縮魚符遙瞻烏戟

歸餘魚脊鼓朝日輝

行風前公飛吹淋淋少賦賦絲則朝朝身自表得更

之張晉奉絲命賦賦歸歸歸歸歸歸歸歸歸歸歸歸歸歸

國桂左張晉公之拜朝氣許已斷之山與世重三

主望漢書金堂並姓望齊吏官率許讀以之賦以

贊皇林內

宋李廷忠

與矣美黃部東問之管歸公大抵世賦西平之平

加公孤

賀丞相焘除太傅

宋李廷忠

師臣巽命帝傳升班七十從心公亦何心于極品三

千同德獨高崇德之劬勲叶朱衣介幘之祥增黃耳

玉鉉之重竊以傳者傳之德義不惟其官惟其人臣

哉臣作股肱罕有是父有是子若西京厚王陵之寵

及東都旌卓茂之年雖加衡統以鑿纓俱匪箕裘之

鼎鼐今專視之正位有喬木之世臣父子一家兩兩

齊三台之色君臣千載重重聚四紀之間賁然綠綵

之新復此青氈之舊恭惟其官清和而任直大以方

禹以功臯以謨適全絕德絳之果霍之勇難擬脩能
無敵知儒者之真可久見賢人之德一柱障黃河之
决兩手洗白日之光三登二十七年萬機幾千百變
內除狗鼠旋安鴻鴈之居外殄犬羊顯築鯨鯢之觀
風震雨凌而梁棟自若火炎水潤而鼎實各調蓋享
天心非要人爵陶侃之指紋貫徹猶三遜以滋高丁
固之松夢留連廿十年之不調上念慈闈之訓日思
元老之功無官酬公維師尚父猶堅謙抑力反渙揚
姑隆絕席之班式舉載輿之典虹明帶玉龜顧印金
備袞冕之上儀增衣冠之盛事改容而禮論道以經

平淮用八千兵更酬謝傳蒼生之志辭齊封二萬戶
會尋留侯黃石之盟某久累播鈞遐瞻巖石聳聽上
公之一命阻陪潭府之群才斐然成章是以有慶乘
雪邊之節傳無因拜壽杖之尊窺天上之階符願長
輔化樞之運

賀丞相啓除太傅

宋李廷忠

顯拜師臣榮躋帝傳聖人惟能饗帝復歸美于重闈
太宰以禮佐王併加恩于一命實清廟之盛典非元
老之私榮昔周家既立三事之官在成王允遴仲父
之選始命姬旦以其師保萬民繼用畢高以其躬亮



四世自茲以往稱此惟艱若西京之遷王陵與東都之寵鄧禹雖稱異數實飾虛文恭惟某官鼎彝舊學柱石世臣惟說總百官力贊事神之勿黷暨湯有一德首明立愛之惟親相儀南至之郊歲敬東朝之冊克禋克祀敷皇極而錫厥庶民得祿得名受介福而于其王母二難具美三遜滋高既力避于維垣亦何辭于命袞日月如璧映玉佩之魚垂天地為爐鑄金章而龜顧一相主乎內幾年淹九棘之班三公惟其人今日正專槐之面是固青氈之赤鳥允欽黃閣之黑頭行開茅土之封式對山河之誓景夙勤甄錄聳聽郵音雖箝尾在虺域之中然馳心賀燕雀之厦宜麻綴文德之聽身隔重湖揅著夏武岡之占公宜百祿

賀鄭相啓加少師

宋劉克莊

登冠貳公褒崇元老孤癯茸燾恨無官之可酬甲第殊庭欲有謀焉則就帝學賴緝熙之益身章煥佩服之珍載籍罕聞措紳相慶切稽列聖待勛舊之典非無上公領使弼之榮然潞國貴極維垣不過上公之鈇鉞紫巖位尊弘化亦惟長樂之麾幢乃如致身為帝王之師賜履于父母之國度越先朝之故實眷存

昭代之耆英則自生民以來未有我公之懿恭惟其
官道隆而德峻業廣而功崇粵從挾龍而飛天忠勞
鮮儷不待審象而求野望實已孚十年遂衣錦之歸
一旦就安車之聘爾則告后方欲咨君陳之猷予其
明農未可遂周公之志聿超三少之秩乃擁元戎之
旄錫公千歲重賡純嘏之詩以王萬年光輔太平之
業其屬乘輶傳恭聽制麻方千贄之滿前顧一箋之
獨後文學為歌頌愧非僕之所堪將相作神仙願于
公而有獻

賀丞相啓

除少師

宋李廷忠

巽避公槐升魁師棘萬世策定盍徑躋萬石之班三
台色齊乃避位三孤之長寸心如此千載如之恭惟
某官厚大而裕和端凝而洪毅周拜乎前魯拜乎後
邁韋平父子之榮陟格于帝尹格于天續堯舜君民
之業風雷屏息日月重光宜聖神建道德之師見輔
弼為社稷之寶比播維垣之命允孚巖石之瞻乃執
撝謙力回成渙弗敢基命定命正倚弼諧若曰父師
少師何拘等級姑冠班于弘化即顓面以經邦坤載
物以承天蓋得下裳之吉鼎以木而巽火實存上鉉
之虛九重尊李泌以先生四海戴子儀為尚父黃河

如帶山如礪豈惟難拒于公珪青櫛有洞石有窻恐
合紹開于王社某夙勤坏冶自抵簡書泥塗久隔于
朝紳夢寐尚隨于賀臆輒憑魚鱗之素恭布燕雀之
私亮天地而弼一人諒益基無窮之運理陰陽而遂
萬物尚祈澤不獲之夫

代賀丞相啓

除少師

宋李廷忠

巽避公槐升魁孤棘奮庸而宅百揆輔茂陵十八載
之隆平寅亮而弼一人開寶慶倍萬年之緜祚明良
交際動植均歡恭惟某官德鉅材全器闕用博累世
躬行于忠孝四朝身佩于安危從容作商野之林談

笑取虞淵之日與生民而立極為天下以得人九夷
八蠻服整頓乾坤之手兩京二聖知扶持社稷之心
肆疇巖石之瞻亟出維垣之命甫揚成渙遽執撝謙
重違再命三命之共甫轉太師少師之拜玄圭袞冕
上猶恨無官以酬公夏彖通旃公豈以辭榮而邀上
惟楓陛比隆于皇祖則茅封克紹于先王西平有子
朕有臣垂光簡冊周公拜前魯拜後濟美鼎彝其自
分泥塗夙蒙甄冶毫釐千里既自投丹筆之書首尾
八年未易復白圭之玷茲服坦明之制但增踴躍之
私黃麻之似六經自此尚觀于蕃錫洪鈞之轉一氣

更祈俯振于餘生

賀鄭相啓加少師

宋鄭厚

恭審涓吉宣麻敷恩升棘貳公弘化一通橫寶帶之
輝崇德報功六纛昇錦鄉之節勸經瓊上授室國中
異數便蕃群瞻登動若稽昭代率重元勳潞公以維
垣而陪講筵忠獻以本鎮而膺受鉞或為內相而後
帶圍之詠或由舊學而賜京第之居是皆昭一時非
常之恩未有備今日極盛之典恭惟某官沈潛而有
略真實而無華不知三公之為尊依然寒素如見一
介之有技納之陂汪憂國形癯愛君心赤方更張于

新化爰圖任于舊人非道不陳王前與與如也斯謀
惟我后德贊贊襄哉業之隆者酬必隆眷之厚者施
亦厚此禮非諸臣之敢望惟上知我公之獨深非但
勸當世之至忠又將貽後王之丕則賡歌相戒元首
明哉股肱良哉難老為斯受命長矣弗祿康矣其自
游環壁久圍大鈞聞盛事之魏煌倍輿情而欣抃乘
當時之驛傳適綴稱觴皇武公之威儀就加舉笏永
言頌詠罔既編摩

賀丞相啓除少師

宋楊誠齋

雄麻渙命孤棘升班相堯之功已書二十八載之半

弘周之化始介三公九卿之間取之甚廉簡在則厚
恭惟其官直方而大智勇且仁海晏河清藉整頓乾
坤之手天明地察鑿經綸社稷之心奏琴瑟改絃之
功贊七鬯主器之治進律固加于有德酬公真恨于
無官矧如拔去兇邪收洪範威福之柄且復芟夷煩
亂整素王筆削之功是皆非常之元宜受不次之賞
猶且固辭于專商始令明陟于貳公惟時亞保之官
蓋古司空之選若稽漢制專司萬乘之宴私其在周
官實任兩儀之寅亮聊不昭于蕃錫豈盡答于元勲
昔魏王再相于淳熙首升此職故高宗獨稱于德壽
謂無幾人馴正師垣宏開壽域尚式周公之猷訓惟
其有之是以似之以觀文王之耿光心乎愛矣遐不
謂矣其欣逢盛典倍激歡悰歌芘士之詩敢忘燕雀
之賀夏作得賢之頌或憐蟋蟀之吟秋

賀丞相啓

除少傅

宋楊誠齋

冊命元勳序升孤傳三少特揖雖均為貳公之官四
夷咸賓見時乃萬世之績君臣叶慶朝野交歡恭惟
其官明允而篤誠洪深而肅括調政化不調之琴瑟
續古今難續之鼎彝迄今大寶之還詎止小球之受
蓋帝王盛德之不頌獨頌獻琛而春秋常事之不書

特書得玉然皆出魯公之力庸並垂周室之休不圖
古風復見今日宜亟正專槐之面乃姑循次棘之階
功臣封爵山河聿觀繼世少傳寅亮天地詎足酬庸
其全託一陶獲歸三徑龜魚竊新亭之蔭亦有肺腸
燕雀賀大厦之成恨無羽翼

賀謝右相啓

除少保

宋李廷忠

成湯簡在帝心擢亞保衡之任召公居于王右夙高
孤棘之班大冊渙專列紳咸暢恭惟某官道該衆美
智矚萬微探囊試活國之方列鼎正調元之味以天
下之公而決大計以儒者之勇而折遐衝若長江大

河之呼吸川流物有所歸而無所受如高山大岳之
蓄泄雲氣人蒙其潤而不自知孝治昭宣褒章狎至
一命袞服已積具瞻五采篆專尚煩特置亶增華于
揆路資弼亮于天工端坐泰階永為隆棟某退循苦
窳久費挺陶齒中台里之衣冠自憐生晚望翹材館
之劍佩徒悵身遙側耳禳除洗心善頌恃其出造化
之未恐或在存記之中六摯辨儀方仰正班朝于東
面一麾假庇敢忘固封守于西邊抃蹈之私染濡莫
既

賀丞相啓

除少保

宋李廷忠

前旒疏罷左棘升班論一相而百吏嚮方。久藉彌綸之益曰三孤者貳公弘化聿觀名數之隆麻制渙敷輿情允穆恭惟某官大名懸日浩氣塞天以文章黼黻乎帝躬以道德經緯乎國事子玉係輕重于楚翁然公望之歸阿衡實左右于商簡在帝心之久聚精會神于一堂之邃折衝壓難于千里之遐掀蟄奮雷拔群賢于幽滯出雲降雨開九扈之豐穰左傳九扈氏為農正勲紀銘乎旂常恩華洽于袞舄方壽秩行東朝之慶使徽名齊太極之高悉賴忠謀有禪孝理爰修延登之典載崇特置之儀家國兩榮人天胥慶汝作舟汝作礪方柄用之獨專公為保公為師又綸褻之相繼某猥持弱植允託元鈞亟欲引置于大霄猶復滯留于客路茲聞顯拜頓起懦衷望鳴閣而未前益輒下乘賀燕宮而敢後祇達空函

賀鄭相啓除少保

宋劉後村

起賢濱海領使祥源圖任舊人拜召公而為保若稽古道命倚相以讀書麻卷初傳縉紳相賀恭惟某官有尹躬之一德集孔氏之大成嘉定初潛實賴綺園之力端平總攬首當萃渭之求一變有涑水之風獨立少汲公之黨容身無地知我者天屬者朝更政化

辟作福威區別忠邪顧瞻表著群公環列類非昔者
之親臣元老獨存方且巋然于下國百辟迎安車之
至九重慰側席之思弼予一人遂冠班于孤棘益者
三友時開卷于細旃內家賜聖制而開御筵太史奏
客星之近帝座寵光鮮儷邁史梁兩揆之榮典故具
存踵申潞二公之拜某曩懷附鳳比獲登龍忽傳異
詔之丁寧倍切常情之鼓舞但欣寰海見明良天合
之情肯為鄉閭草世俗雷同之賀永惟虔頌不在多
言

賀鄭丞相啓除少保

宋陸游

恭審命出淵衷廷揚顯冊人主之論一相方寄腹心
少保茲為三公益隆體貌傳聞所逮歡頌惟均恭惟
某官謨明弼諧任重道遠協天心于崑崙旁魄之際
動必有成隆主眷于淵蛸夔濩之中言無不用自登
近輔允迪大猷疇咨雖首于群公謙畏不殊于一日
每稽首而遜稷契終選衆而舉伊臯三年有成四海
用又農扈告豐登之候戎韜臻偃息之期熙運方興
周召並為于師保衆心所繫平勃均任于安危是宜
大號之繼敷昭示元臣之同體群生成遂協氣橫流
謹乃憲而屢省則成熟測化鈞之妙本無事而庸人

實擾始知靜洽之功其獲綴清班欣逢盛事無好無惡而遵王路共欣聖政之大成不愆不忘而由舊章更冀廟謨之無勑敢効涓塵之助輒干礎斧之誅冒瀆實深兢惶罔既

賀謝相國加少保

宋文天祥

前旒疏寵左棘升班探囊試活國之方列鼎正調元之味護厥儀而徑度五采籠軒依吉仗以平躋三台拱座增華揆路弼亮天工萬目具瞻群生沸慶自怜生晚齒中台里之衣冠祇悵身遙望翹材館之劍佩勉策下乘仰鷓閣以莫前敬達空函賀燕宮而敢後

賀史丞相加少保

宋李廷忠

恭惟其官為天地立心生民立極賓春布萬國之和以陰陽為炭造化為工脩月揭重輪之照茲峻三孤之秩益彰萬世之功以保保身在明明德耻一夫之不獲當無求備于一夫輔萬物之自然要必曲成乎萬物巨川作舟楫則剡木皆有用之器震風之憚椽則廣厦無可棄之材



恭惟某官王國世臣儒門舊學世襲箕裘自昔鯉趨

賀張江陵相公啓加太傅

明陳文燭

金臺耀日國家隆禮士之風玉燭調春黎庶仰崇文
之化故有商師伊尹有周相召公旦古殊勳若西京
遷王陵東京寵鄧禹兩朝盛典縉紳胥慶載籍有光
恭惟某官王國世臣儒門舊學世襲箕裘自昔鯉趨
于學禮職司鼎鉉只今虎拜以揚休千載君臣聚見
四十年之內一家父子併成二萬石之名與國咸休
生民未有日月如璧映茲玉佩之魚垂天地為爐鑄
彼金章而龜顧一相主乎內頃時逾九棘之班三公
惟其人今日正專槐之面是雖熙朝舉載輿之典禮

實則良輔弘調鼎之勛庸衮衣焜耀行看茅土之分
綸命光輝必重山河之誓某夙勤甄錄頻切揄揚奉
命宰百里雖緝尾羈虺域之區感德戴二天實馳心
賀燕雀之厦仰祈台祉俯罄斗瞻

賀申相公啓

加少師

明戴 燿

五紀正元際聖世生申之景運萬方崇首會天朝極
治之昌期慶洽邦家望隆中外遙對黃扉而獻頌率
先赤縣以歡騰恭惟某官列緯元精二儀間氣標人
文之領袖峙紳笏之華嵩射策日萬言鴻臚首唱宣
麻雲五色鳳閣高騰是君是臣千載明良喜起格天

格地兩間命脉精神助勒鼎鐘聲施夷夏惟定褒之
簡在乃睿命之薦雁首冠孤卿峻秩獨隆于師席儀
刑百辟清銜爰陟乎公階事軼前聞人誇創見凡在
幘幪之下共切焜耀之榮如其質陋砥砢尚辱天工
之陶鑄材庸棧樸更承大造之栽培邇者待罪薇垣
自分甘心草野誤蒙金鑑濫握銀符望相府而趨蹌
驚衷實切奉簡書而跼蹐蚤負奚堪仰荷生成敢忘
銜結夙懷賀臆兼布謝忱伏願帝眷日新崇禧益迓
大賚九天霖雨永綏萬載山河台星燦郎宿以聯輝
世視五花之草仙桂和靈椿而並郁祥呈三郁之家

罔罄揄揚曷勝祈祝

賀趙相公啓加少保

明龔道立

廷播黃麻輪迎赤舄尊其盤而思舊學聖德益明召
潞公而進經筵治功先定重開興運有相斯文恭惟
師相閣下心與天通學造聖處任天下重無非阿衡
樂道之真為帝者師早得黃石傳書之秘五龍夾虞
淵之日層漢大明六鰲負負嶠之山驚濤不動曩建
鳳池之績見結龍宸之知贊襄善政時當虛席之期
圖任舊人上舉載輿之典挺綠竹之操復見衛武之
威儀上金鑑之封遠邁唐臣之風節鳳新五經九拜

萬年其樂意稱觴頌言補衮太平有象適有春運之

亨華髮元龜翁受益朋之助修詞由海手詠歌

賀許相公啓加少保
摘錄伏願

明汪應蛟

伏願永為柱石調濟鹽梅多郭汾陽二十四考之年
一身任天下重邁衛武公九十有五之儆百世為帝
者師海內蒼生共沐雲天湛露階前綠草長隨仙籟
春風樾蔭恩濃葵心日切

賀許相公啓加太子太保

明馮琦

黃閣秉鈞懋著經綸之畧青宮作輔載新師保之猷
惟天生不世之興王故時得非常之良佐勲階日近

權豫雷同恭惟某官氣稟嶽靈胸羅象緯言語妙天下魯諸儒茂以尚之智畧湊上前漢廷臣無出右者肆結知乎宸極爰正位于禁垣式百辟事一人賴有股肱之喜開眾正杜群枉知無毫髮之私乃厯睿情特資碩輔密勿巖廊之邃元良允矚其儀刑清華禁籟之嚴丞弼共瞻其丰采恩言狎至璆矣鏘瓊命服斯皇爛兮環玉斯豈惟新安大好之山水益助高深抑將使東南半壁之乾坤咸增氣色凡相知于一口皆竊幸其二天其骨相最凡襟靈不韻摠衣而陪絳帳幸齒錄衆人之中負笈而園橋門得眼青弟子之

吹噓于竿奏乃從吏于樞庭敢誦所聞恃以自壯真儒用而天下無敵余曰得肅稟于成謨有德進而朝廷益尊孰不願祇受其陰賜欣聞眷渥共瞻衮冕之儀樂與函生盡歸陶冶之化

凡讀書惟其官自天生德降命應期開其
文經緯萬象具超軼絕塵之識鉅細四夷
而耳目之靈通之容體絕精神而無上公
心虛靜而觀復道冲用而不盈周公太公方
之德業此其所以與時運之功實以天下

結知平安極愛正位于禁垣式百辟事一人類
胎之竟歸家止社社知無愛之終乃原情
待資碩輔勿忘廊之遠元良允福其後刊
標之嚴丞派共瞻其丰采恩言仰至
皇之樂與函主盡觀國命之升
我益尊稔不願所受其劍願為聞眷
我益尊稔不願所受其劍願為聞眷
我益尊稔不願所受其劍願為聞眷

修書史

賀張右相啓 修史

宋陸游

恭諭誕布明綸總提鉅典固已動鵷鷺行之喜色而
况在牛馬走之後塵不能自己于寸誠是敢冒陳于
尺牘恭惟某官自天生德降命應期闡温厚爾雅之
文經緯萬象具超軼絕塵之識鎮撫四夷位居台鼎
而有山澤清臞之容禮絕縉紳而無王公驕泰之意
心虛靜而觀復道冲用而不盈周公太公方隆夾輔
之望堯典舜典更專點竄之功實以袞衣黃閣之尊
下兼蘭臺石室之事在天三台魏乎下臨作宋一經

信矣無憾其偶蒙簡拔獲預討論已侵投老之殘年
何補不刊之信史仰傳巖之霖雨幸預在廷歸杜曲
之桑麻尚勞泚筆想典刑于諸老已愧空踈竭精力
于是書敢忘策勵

赴經筵

賀錢參政啓赴經筵

宋危昭德

伏審絲綸趣召袞繡遄歸任四海之安危正有資于
忠力辭上天之富貴乃密贊于謀謨夷夏聳聞社稷
增重恭惟某官温恭天稟忠孝家傳正色立朝天球
河圖在東序英標照世冰壺玉衡垂清秋遂贊樞機
晉參鈞軸屬在議論紛紜之際正資老成持重之言
方萬牛挽而首不回孰明其智及六鼇去而山爲動
始識其忠姑暫鎮于北門已來歸于東海公乃丐以
閒居之適上亦高其華髮之年留用其謀不煩以政

陞班月殿極平生儒者之榮勸講金華如古者師臣
之重用禪大計以濟中興令五日一至朝堂實外倚
潞公之任重欲大遼母開邊隙恐再勞司馬之居中
某自聽賜環不知折屐上既為于國賀下亦慶于已
知昔處粉榆嘗叨領君侯之勸駕繼司芹藻亦嘗因
舍人而掃門應憐久冷之姓名必有噓枯之造化腹
心敬布頂踵知歸廣厦萬間已復湖上龜魚之蔭丹
砂九轉早成鼎邊鷄犬之仙

從駕

賀丞相啓 從駕

宋熊克

扈蹕江畿詠掃穹廬之跡還轅吳會益恢巖廟之岡
折衝已賴于精神勵節方加于禮貌當此春陽之駘
蕩諒有神明之護持竊以益贊禹而征苗致兩階于
羽之舞尹相湯而伐夏併三醜寶玉之俘惟其佐有
真儒所以動無疆敵比屬檀裘之侮肆陪鑾輅之征
圖回皆中于事機宴衍遂平于亂畧相武王而肆伐
既推尚父之謀震徐方而還歸宜誦太師之烈恭惟
某官才高帝賚望重民瞻四夷掌玩而虜固在于目

中萬卷胸蟠而語靈專于紙上坐籌漢幄子房首冠
于三人從幸渭橋玄齡親率于六騎兗渠既殄醜類
皆奔乾清坤夷即致中原之定天旋日轉暫隨大駕
之回成此鉅勲歸于真宰其猥馳原隰阻覲門墻還
豐而作周官佇慶三公之拜畫河而為晉土豈惟十
部之降願益展于壯猷用永扶于丕緒

啓雋近體卷八

類函二十

東吳俞安期羨長彙編

上饒王嗣經曰常同輯

宰相部六

高淳韓仲雍壁哉訂定

修書加恩

賀湯右相轉官加恩啓修徽宗實錄成宋周必大

奏篇乙夜宣制剛辰既峻陟于文階仍陪敦于書社
巖瞻愈赫輿議均歡竊以遠考漢儀序事獨尊于太
史近稽唐制修書爰董于相臣雖規摹俱著于舊章
而制作實隆于今日蓋舜孝有羨墻之慕欲文謨如

卷八
日月之昭哀二十六載之先猷寫之琬琰使億萬斯
年之載籍炳若丹青自非名世之巨賢安得主盟于
大典恭惟某官精微而閎廓柔惠而直方以道德而
致君以文章而入相華戎帖泰禮樂修明惟祐陵一
代之貽謀久宜會粹顧石室諸儒之廣記未訖編摩
欲總宏綱是資上宰一命再命三命初循考父之墻
大書特書屢書遂執昌黎之筆歲時屬耳篇秩燦然
銓次精詳無復段公之逸事搜求浩博增多遷史之
舊聞冕旒恭覽以褒嘉簪紱環觀而誦歎果疊頒于
異數用寵荅于元勳某身在柳營心馳槐位當誕揚
于贊冊莫預班庭茲竊聽于邱音敢忘慶慶傾儀以
積敷述奚殫

賀萬侯右相加恩啓

修書成

宋周必大

成書長樂宣制正銜冠五等以疏封職三階而進秩
僉言允穆注意加隆恭惟某官異稟早符于帝賚英
猷久峻于民瞻丁溥天綏靖之期宅右揆辨章之任
既中外咸安于少事宜君臣俱樂于無爲惟茲駟馭
之還尚濶鴻儒之紀肆煩上宰親總宏綱方和鉛舐
筆以編摩俄緯典敷華而明備消之穀旦道以盛容
薄昭迎后之儀揭日星而顯著盧舜慕親之孝亘夷

夏以流聞汗青恭寘于慈寧副墨仍藏于秘府爰頒
異數用答元功昔蕭曹居丞相之官初無聞于筆削
班馬擅史家之學止私紀于見聞豈如輔佐之賢榮
奉纂修之詔所載者非常之慶宜膺乎不次之恩宜
為國家之光華豈獨士夫之歆豔其身遊大治耳屬
上儀拘綴銀符雖莫預班庭之數傾依玉鉉其敢忘
賀厦之誠

賀史丞相進書加恩啓

係進吏部條法總類并
百司吏職補授法轉金

紫光祿大夫
進封魯國公

宋李廷忠

玉陛奏書金章進秩整齊吏治率循蕭相之規以入

國封式顯曾公之拜告庭異數賀野同詞恭惟其官
學洞聖幾道躋民極再世而登輔弼偉勲闕之相輝
百辟之仰宗師正朝綱而不紊社稷賴以安固乾坤
為之清夷方循名責實之政行宜撮要翦繁之事舉
念銓綜權衡之地名器所關比刀筆筐篋之流勞能
必叙昔者紛綸而盈几今焉纂輯以成編帝深歎嘉
公實典領疏渥行戶租之邑開圻重儒服之邦以荅
秉成之功以昭垂後之憲且畫一法與天下而其莫
匪至公雖正二品居朝廷之尊未為特美故家有者
不日見之其冒處騎頭阻瞻鷓尾遐衝可折皆由制

勝於廟堂邊最茂聞只合放歸于田里尚茲冗食悉自隆恩

賀雷知院進書轉官啓

宋李廷忠

奏篇中禁進秩邇聯粉澤成一王之典童宜膺褒顯權衡定百工之法式允賴參持吏品以清朝僉斯穆恭惟某官與學上下乎千載懿文佐佑乎六經式契聖明進都丞弼當洗兵交河之後道以庇民在執政思巖之中心乎體國更張善化綜核群材雖云列爵之有差每念繁文之無統非通儒爲之折衷則巧吏得以並緣筆削既公綱目自正典選者持此以爲試補者用此以甄升成編甫徹于前旒寵數亟加于次輔房謀杜斷共裁定于信書蕭規曹隨佇增光于揆席某逃聞命綍喜動心旌在天一方曾莫旅清朝之賀有地千里其敢孤大造之恩

賀周參政書成啓

宋陸游

顯奉廷揚進陪國論號令煥焉可述乃專討論潤色之功疇咨若時登庸遂處輔弼疑丞之位國有隆儒之盛士知稽古之榮伏以典謨實列于六經臣主難逢于千載高文大作或託之不得其人老師宿儒有死而莫見于世維時鴻碩之彥早冠清華之途成功

昭于神明大業刻之金石發德音下明詔大哉王言
建顯位施尊名震于方外一變猥釀枝駢之體以還
雄深灑噩之風縉紳竊誦而得師夷狄傳觀而動色
顧于昭代可謂殊勲雖箕頰之志屢陳然莘渭之求
焉往恭惟某官任重而宏毅謨明而弼諧以窮深測
遠之才坐酬衆務以極高蟠厚之氣陰折遐衝至于
擅世之英辭本皆全德之餘事僅少施于一二已見
謂于崇欲豈容卷懷經濟之圖遂欲袖手寬閒之地
公毋困我初誦留行之言上誠知人亟下延登之命
然易簡者聖君之眷難居者天下之名方仰對于寵

賀申相公書成加俸啓

進會典

明程世奇

列聖徽猷玉管資諸獻納諸司令甲錦心效彼勛勳
功已倍于調羹克稱大烹之養寵宜先于繼粟自超
常祿之頒千古殊榮百僚爭慶恭惟相公閣下天民
先覺國史良才學富丘索典墳文齊左國班馬求賢
若渴吐哺握髮惟勤好善如飴推食解衣恐後蠲租
之令屢下分賑之使頻行此固天子軫念困窮孰非
相君惠先饑溺謂聖經賢傳率由誠足以匡君但帝
典王謨則效無闕于法祖乃自太祖成祖以後著爲

令者復用參詳與夫穆廟世廟以前欽而襲者大加斟酌可因可革可損益始于六館編摩曰予曰奪曰是非終于三台筆削名爲典故永作通行歷覽無遺坐照先朝相承之綱紀開卷有益立談昭代共理之規模足當輔弼弘勲應沐褒崇巨典加銜馭貴既敕中使以宣恩增祿酌功復假太倉而示眷雖敬事後食相公欲一人瘦而天下皆肥然養賢及民天子思大賚行而善人獨富君臣各盡其道上下永孚于休某早歲殘編識僅同於窺豹窮年方冊意未達乎獲鴻聞會典之上呈信道揆端而法守定喜皇恩之下逮見遭時幸而遇主隆莫罄揄揚寧勝舞蹈伏願論思先陳續緒引君繩九廟芳規燮理惟述貽謀致治倣歷朝懿矩則一人有慶普天臻富庶之風而萬國寧奕世仰熙恬之治

賀申相公書成加恩啓

進會典

明蘇濬

鑒於成憲累朝之述作具存蔚乎有章一代之人文爲盛寵出重瞳之顧慶洽百辟之歡恭惟某官帝倚腹心時資霖雨握璣衡以調元化而八風俱翔勤吐哺以集時髦而百揆攸叙當重熙累洽之世啓金匱石室之藏謂祖宗授受如堯舜禹之相繼而其道行

乃明聖經綸如文武周之重光而其法備善則同歸
於治制則各惟其時顧正德以前雖已絜為功令而
嘉靖以後猶尚缺於編摩遂集儒臣爰稽故典提綱
絜領大義炳若日星別類分門微言昭于指掌法已
正而罔缺治實久而足徵竭數載之蒐羅潤色獨推
東里垂千年之信史典刑足繼周官一進尚方時厯
睿覽恩方隆於晉錫誠愈著於謙光蓋公孫碩膚方
秉不矜不伐之節而帝隆簡在已賡爾欽爾往之章
誠曠古之遐觀而熙朝之盛事也某鉛刀靡效草創
無能觀賁飾之輝煌欣泰交之歡浹伏願驅馳聖品
之軌參伍古今之中心日遊於泰三化愈隆於吹萬

光願益思于抑損茂迪謙尊之吉永為善類之依

賀張右相啓

修史

宋陸游

恭諗誕布明綸總提鉅典固已動鷓鷯行之喜色而
况在牛馬走之後塵不能自已於寸誠是敢冒陳於
尺牘恭惟其官自天生德降命應期闡溫厚和雅之
文經緯萬象擅逸倫絕塵之識鎮撫四夷位居台鼎
而有山澤清臞之容禮絕縉紳而無王公驕泰之意
心虛靜而觀復道冲用而不盈周公太公方隆夾輔
之望堯典舜典更專黜竄之功寔以袞衣黃閣之尊
下兼蘭臺石室之事在天三台魏乎下臨作宋一經

信矣無憾某偶蒙簡拔獲預討論已侵投老之殘年
何補不刊之信史仰傳巖之霖雨幸預在廷歸杜曲
之桑麻尚勞泚筆想典刑於諸老已媿空踈竭精力
於是書敢忘策勵

壽宮成加恩

賀申相公加少傅廕子入監啓

壽宮成

明

陸華禁遂之庭功首銘于藝鼎特異優崇之典恩洊
被其子孫藉甚儒紳歡均海宇恭惟相公閣下天挺
人豪帝賚良弼兼收群策休休乎如有容妙幹一元
皜皜乎不可尚言念嘉猷入告瞻寵光不爽之儀遂
使壽域宏開啓聖算無疆之兆乃勤睿旨特被渥恩
正一人正百官位出公孤之右有是父有是子澤延
嗣世之傳某闔寄謬膺庭班莫造聞經綸于密勿皆

曰相業無前想冠帶于辟雍益信慶門有後敢修頌
牘用致賀私

賀余相公進少保戶部尚書啓

壽宮成

明余鍾英

吉壤肇新大啓萬年之兆綸函顯渥登庸一德之臣
惟天祐于我邦故帝賚以良弼一時眷注四達欣聞
恭惟閣下學作帝師言爲世法高明而肅括萃稽山
越水爲精神博大而裕和有景星慶雲之氣象屬玄
宮之協吉上聖壽以無疆乃注念乎參贊之勲特加
意于褒崇之典司徒敷五教進聯禁籟之班少保加

一人入贊台垣之極屹爲時棟不揆國華其傳誦制
函想聞晝接抵掌而談世務知省闈之得人捫心而
及已私幸巖瞻之有自

賀許欽縣加恩啓

壽宮成

明李

門代

玉髓開符赫奕三靈增萬壽金章晉秩巍峩一品映
三台榮瞻牛耳竒觀光啓鳳毛世美恭惟某官含道
際出降神挺生運鴻筆於丹青直駕先秦兩漢之上
納蒼生於壽域共登羲皇五帝之間頃陪翠輦以宸
遊遂啓青囊而協吉荷覃恩徧茲尤有覩碩輔坐致
二公子開丑闢以還重逢大典光昭祐啓之盛獨際

熙時其早趨門館雀躍允深謬守官箴燕賀寶後

際登坐外嘉其登美皇正帝之階頁音琴琴以安

祭山朝軒珠玉聖誠筆效世香音器求泰西美之王

三台樂韻水在音器水香鳳手世美林其官舍

正節開符赫奕三靈聖萬壽金童音林巖嶽一品知

賢音為烈吹恩啓如明李明介

又引味幸嶽朝之首日

函狀周畫對林掌而結世錄味省園之掛入門必而

一入入贊台鼠之蘇訓為林財不對國華其對歸同

立儲加恩

賀申相公加恩啓立東

明吳之鵬

玉鉉調和寰宇蒙和平之福璇穹錫寵世家集光裕

之禧大慶肇于元儲崇恩先于良弼温綸頒鳳閣特

褒申伯之忠峻秩冠鵷班已埒召公之重推生賢所

自出王父之旌典疊頒睠繼美于相仍郎君之蔭資

薦被盖輔星朗耀光華近繞于前星故帝澤優隆沃

潤遙分其餘澤獨會風雲之盛誰言雨露之偏某行

役南畿贊喜難隨夫朝士跂瞻北斗稱歡輒藉乎郵

人願年多歷以求保皇躬祈日交孚而彌膺天寵

賀相公封廕啓立東

明李多見

恭惟相公閣下海內魁人朝端碩輔初協毗于乾祚
已乎中外之具瞻適遭遘于震祥遂愜後先之均被
秩加宮保與三事而相隣御別省曹為百僚所共式
建儲有策早登翼贊之元僚覃慶無方弘播推馳之
鉅典槐階玉珮駢集相門花誥琅函交披祖廟任子
兼超常格筮官輒進近班惟台垣得擅其榮舉京邸
孰侔其盛叨附甄陶餘庇敬陳賀祝下忱從今為上
相為上公不但占承華之高步過此及遠宗及遠裔
皆將延奉禮之芳聲

賀張相公追封三代廕子啓立東

明呂胤昌

恭惟相公閣下體備中和輔佐勲超丙相政崇寬大
幹旋業配溫公適逢甲觀之發祥特受宸闈之馳慶
班躋師席巍巍乎首冠孤卿位逼公階赫赫然儀刑
百辟錫華綸推峻秩累代鍾榮垂美廕列清銜次郎
高貴頒爵由身以上逮乃周室所來闡疏恩率祖而
下延允虞廷所希邁固云遭世遭時之幸要亦報功
報德之宜其恭仰訐謨快瞻盛典獻賀詞以通紫閣
畧揚光裕之家聲祈論道而啓青宮彌定元良之國

大之憂上貽九重無疆之慶用階鍾卣以冠旂常極
臣子之榮華明朝廷之廣大亦越周漢實聳聽聞恭
惟師相閣下白星王輔黃石帝師慮深于否泰倚伏
之機徂求惟定變弭于芽蘖發作之日克咸厥功運
廟畧于帷中邊蠻方于宇下輔成醇化躋格太寧惟
帝念借箸之籌惟公正面槐之坐八命九命直躬黃
閣之尊父師少師兼作青宮之傅且開延賞以勸教
忠等陳錫之禎周偉烈文之繼緒豈為私寵用荅元
勲其欣聆盛典載躍私衷綱紀以燕群工共矢穆皇
之雅典策而煩中令尚看帶礪之盟

代賀次輔加少保蔭子入監啓

平皮林功

明董應舉

金叢策勝坐收耆定之功黃石告符游受崇隆之眷
岷清裔土慶集台垣恭惟師相閣下昭回授彩沉瀝
融精一德格天直見保衡于千載四方從欲亦時舞
羽于三苗自多難之漸次削平見常武之為猷允塞
蠡茲小醜梗彼府江不有弱翁誰任營平之計固知
張仲竟成吉甫之功惟帝念前箸之成謀莫茲赤土
且欲為後人之不則秩以青宮等鄧將軍之儀羽漢
朝陋王驃騎之輔導江左用酬廟勝未罄國恩慶爾

啓集類四卷八
社之肇功上方寵賚皇烈文之繼緒奕世疏榮行開
山河帶礪之盟永造子孫黎民之福

賀趙相公加蔭啓 平寧 夔功

明程世奇

相業巍巍緯武經文昭玉鉉皇仁浩浩報功崇德燦
金章惟攄謀靖紫塞之烟功高西夏自錫寵進青宮
之秩位冠東班國恩赫赫于鳳毛家慶綿綿于麟趾
龍騰北闕喜溢南都恭惟相公閣下三洞儲精雙溪
獻瑞榮分蓮炬眷注槐庭抑抑輔皇猷繩社稷臣之
祖武休休恢相度繼真宰相之家聲弼諧雅著于黃
扉燮理久孚于丹陛迨誅逆醜益竭忠良平虜塞

上之外援諸堡仍歸屏翰決堤激城中之內應大兵
始破金湯一怒雷驚聖武方昭于拔劔三軍電掃王
師丕振于倒戈或力竭而就擒或計窮而自盡未移
時而奏凱旋安反側之心僅計日以獻俘高揭渠魁
之首天威遠播國法大彰人謂戡亂摧枯由文武戮
力我曰除兇拉朽在將相一心故淮陰勇冠三軍且
遜運籌于幄內而曲逆計竒六出尤推決勝于尊前
古有明徵今爲懿矩爵隆宮保聿酬安攘之勞蔭叙
後昆用表箕裘之盛某等初聞叛據卽思食肉于軍
中耳耳倡狂至欲寢皮于闕外竟無妙算以息邊烽

幸藉神功而襄天討垂鴻名于竹帛詠放牛牧馬之
歌申燕賀于雲霄切附鳳攀龍之願

妙品

賀張新建進秩宗伯廕子啓

平寧夏功

明詹在泮

紫閣擎天萬國仰平章之績黃麻誓日一朝成戡定
之勲豐猷旣楸于西寧丕光武烈峻秩自宜于北斗
上應文昌寵渥天邊慶延雲裔恭惟閣下懿文華國
名高萬選青錢正色立朝聲重千秋金鑑讜論藉回
天之力綿國祚于苞桑訐謨收浴日之功華皇圖于
磐石迨誅逆黨益効嘉謨飛羽檄于域中內動思

於外應靖烽烟於關外近攻絕意於遠交徐興決壘
之圖堅守築堤之計止聲一鼓犬羊魄散於青霄遂
陷孤軍虎豹氣雄於紫塞風雲助陣草木爲兵首叛
如劉困比鼎魚就沸元兇若孛阨同穴免沾危宥脅
從之無知大開湯網殲鬼渠于不赦卽倒武戈衝冠
之怒始消滔天之罪已正此固聖明之神武獨斷操
威福于九重然亦忠良之妙算相成決勝負于千里
衝鋒克敵雖嘗稱韓信無雙授旨攄謀誰敢望蕭何
第一敬循往轍用布新綸進宗伯之階追夔龍而典
禮樂申冑子之教媿周魯以象箕裘顧叙功止陟春

卿實體相公之謙讓惟崇德直登首揆方攄主上之
寵靈某均屬王臣共持國是激忠肝而遏亂嘗思饑
處餐腥鼓義膽以除兇但欲渴時飲赤媿非韓范無
能滅賊于西隣賴有富歐卒致獻俘于北闕高懸賊
首大快人心肅整綱常盡復周官法度重新冠履仍
還漢室威儀燕喜惟殷何計趨蹌于八座雀歡莫罄
遙申美頌于三台

賀余相公進建極庵子中書啓

平滇南功

明許以忠

金甌永固寶資帷幄深謀玉署生輝乃被絲綸寵命

論乎朝野喜溢縉紳恭惟閣下老成斷國盛德匡時
才猷百代之殊威望四夷之畏坐彤庭而論道心同
一德之交侍紫極以調元手握太平之柄邇者瀾江
霧淨鸞嶺瘴消捷報而六詔重安俘獻而九廟生色
乃於追奔敗北之後先推發縱指示之功誕膺優渥
率履崇高進秘殿以加隆遷貴階而錫蔭傳德義于
官家五位兼資一索列名銜于橋梓六押密邇三槐
雖爲崇報之藝典當然而實毗輔之榮遇匪偶也某
謬當言路勲業宜褒方走海濱班謁莫及謹馳一介
代布寸衷聞大拜于廟廊允諧遠望增休光于祭戟

敢致賀忱

賀相公加秩陰子啓

平滇南功

明曾光魯

煙銷傲外歸廟算之萬全日映殿中渙皇恩于三錫
名高燹鼎慶溢冠裳恭惟閣下昭代偉人清時碩輔
降神齊岳秀勲業非常正色立朝端科名不媿微下
堂階而馴椎髻玉燭光調頓令門戶之在滇南金城
勢峻數十年無此捷正百歲乃有與喜動龍顏寵來
螭陛師垣特進而藉手于擎天寶寺襲休長分珍于
嗣胤蓋殫心殫力純忠者固夫子之常而懋賞懋官
礪世者實聖朝之典某情懸桑梓望切斗山都下趨

蹠借槐陰已八載天涯淪落抱芹藿以多年靡廢圃
阜之章空慕鳳麟之瑞捫心知懼顧景自慚茲謹虔
祝鴻禧遙伸燕臆黔黎懷師保九垓瑞下青鸞異域
問起居萬里貢來白雉仰祈汪度俯鑒微忱

賀申相公加少師陰子尚寶啓

平蟒賊功
摘錄叙事

明馮琦

獨爾滇池之外郡偶有風波之悍民是勤經濟之憂
允賴彌綸之畧遂使揭竿而起者盡皆折箠而笞之
帝嘉乃勲爰進上公之位天鑒厥德懋延世及之恩
胥教誨以事一人用升華於密勿巖廊之邃典符章

以式百辟更顯躋于甘泉法從之班惟天祐于我邦
將世濟其賢業

賀余相公加少傅啓

平麟賊功○
摘錄叙事

明馮琦

顧封豕長蛇未免放勲之世遂帶牛佩犢騷然夷羯
之邦肆來黃屋之誣咨爰厯青緇之畫策豈龔遂能
安渤海之盜實汲黯可寢淮南之謀帝曰都共允賴
折衝之畧功亦偉矣迄成安攘之威寵數斯臯簡知
特異台垣益峻陳德義以傳王躬世澤彌長位中書
而端政本帝嘉元老代有聞人

賀趙相公進秩啓

邊功

明曾壽貴

邊鎮塵清直氣頓伸于小虜中朝績茂殊勲首策于
元良晉亞保以專槐列鬲司而升棘天昌一相地觀
三孤渙命從新陳詞贊喜竊惟修內以攘外實關主
計與廟謨故茲甘肅之區水屬華夷之限日星明概
豈容羶族之整居土宇版章未許胡塵之蹂躪自逆
酋操戈而搶掠致疆場飲忿以繹騷邊聲起而烽火
流傳曠弩馳而羽書踵至一方澤壤裂為徠徯之墟
千里桑麻幾入犬羊之路烈士矢心于斬獲謀臣戮
力以殲除自匪將相之和調孰成安攘之至計恭惟

相公閣下儼台垣之玉尺實寒塞之金城掌上業有
奇兵目中已無全虜天工自亮丸泥卽固函封鼎實
各調尺組能羈可汗貔虎弗煩于顯討鯨鯢坐却于
嚴誅五旬而百舉其俘一月而兩獻其捷上念持籌
之自獨厯握算之功進秩崇班賞延奕世旣領孤卿
而入殿尚除八座以分華兼金出少府之藏綵幣發
水衡之賜是皆異數綽爾兼承然且固執爲謙意在
勤坏冶自抵簡書際盛事之魏煌倍輿情而欣抃乘
槎無翼遙駕柝府之宣麻賀厦有心願附太陽之傾
藿僭憑繭素用展雀械詠頌無能敷宣罔旣

賀張洪陽相公進秩啓

邊功

明曾壽貴

伏諗昕朝渙號揆路加恩兩捷奏奇勲握計升勞于
上宰九重頒特眷疏榮秩進于孤卿奄然西虜之蕩
平成此中朝之喜起一時異數千載艷談恭惟相公
閣下叶朱衣介幘之祥增黃耳玉鉉之重帷籌勝算
何如數萬甲兵樽俎折衝詎止六三韜畧自獨裁于
公輔暨貳贊于維垣頃者游魂小醜敢持逆志以寇
邊於鏖征師遂秉義旗而却虜斬六百鯨俘于塞下
歸三千虎賁于雲中胡笳靖而邊境肅清羽書閑而

中原底定勁弩無煩于耳試遠人坐見其成擒直氣
發舒大憝解散雖摧鋒陷陣不無吉甫之從戎而料
敵設竒賴有張仲之在御爰動天顏之喜峻崇碩輔
之班命陟保衡復總民部束帛荷錦綺之貺渾金出
內府之藏凡皆不世之殊恩幸喜一朝而兼被允矣
元良之昭受寧惟儒者之分榮用申錫于無疆力耳
辭而未可郵音所暨歡忭惟均其備託一陶獲頌三
鎮敢綴寅丹于子墨敬陳芹悃于薇垣

考滿加恩

賀蒲州相公考滿啓

加少傳
恩廕

明沈思充

玉殿龍旂嘉績賜禹珪之瑞金鉉鶴鳴湛恩饗晉穀
之華寵溢輜乘惟桓榮之稽古光增闕閱乃汲黯之
象賢周室之臣三千幾參貳公之席漢家之爵十二
曾希任子之班是必忠簡帝心始克命申天眷恭惟
閣下精躔金鼎書吐玉麟三晉風雲棘產護壁光之
潤八天柱石蒲都繞虹氣之英棒日龍淵炳画圖于
赤舄補天鰲禁和膠漆于丹書履槐位之峻崇忠輸
吐握翊楓宸之清切禮重解推功表百僚赫赫滿太

常之紀格詢三載明明瞻奉御之儀忠數金滕積年
勞于皇路奏勲寶宸叙歲運于泰階帝念元勳史宣
大賚爰錄伊奭之舊德式崇旦畢之新恩眷以賞延
疇非寵渥黃麻宣紫極識堂陛之交孚玉軸下金泥
見門闌之多喜功高報重鯉庭趨劍履之光德積慶
餘麟閣紹箕裘之麗佩搖蒼玉規允塵于嗜鮑貂珥
朱輪義獨申乎刻鵠中書二十四考子儀既豫且康
列侯千八百封伯禽克賢以孝几錫靈壽台星彌前
星以重華笏集明光家運偕國運而俱泰某班依栖
月式睹鳳毛地藉培風幸扶羊角恭念百朋之慶涖
懷三祝之忱頃緣星使西江祗是斗瞻北極無文展
敬敢塵玉帛之將不腆宣詞寧口金石之奏伏冀祉
綏黃閣忠表赤墀福滿瓊枝衍八千八椿之茂祚延
金冊兆九百九葉之祥回青盼于菲葑鑒丹衷之葵
藿

賀內閣考滿啓

廢子尚寶

明馮琦

荃宰宣猷丕績用成乎三考楓宸渙命殊榮蕃錫于
九天公遜碩膚勞謙彌亮帝懷明德渥典方殿海寓
均歡人群胥慶恭惟閣下聖嶽生申元精應昴弘大
人格心之理武接臯夔擴天民先覺之懷神符堯舜

量涵楚澤道被商霖蓋惟國家得非常之人而後朝廷享無事之福期月可也况已歷于九年股肱良哉用交循于一德方書庸于上宰正奏捷于西陲捲惟紫塞之機宜盡出黃扉之指受乾符式慰異命重申位正三台叶十八公之吉夢祿領五等儼七十里之提封在至尊恨無以報德而報功在相公猶必欲辭尊而辭富勉拜符臺之廢寵登建禮之筵百僚瞻衮鳥之上儀千載侈衣冠之盛事某依郊關而托跡瞻巖石以馳神仰資帷幄之籌無復烽煙之警伏瞻君臣辭受之際益徵上下心德之同豈惟慶元老之遐

逢蓋實致太平之根本未綴龍門之賀薄陳忱

賀申相公考滿啓

尚書加柱國贈先廕子

明朱文科

相才卓偉儒效昭彰精白承休蓋滌擅權夙弊和平致治未銷苛政餘殃既翊運于泰豐皇化敷而物情洽又匡時于屯蹇王憂釋而民瘼甦旋轉乾坤維持社稷非但階登一品而茂洪之烈亦已無雙乃茲績滿六期而抑畏之懷猶然不二累疏皆深于挹損疊綸特極其優隆吾道有光縉紳生色尚書兼祿遠踰計日之規柱國進銜高挈擎天之號推先世以貽煌

煌華綽逮後人而延奕奕家聲宴賜楓宸名喧桂海
備舉崇賢之盛典誕膺盖世之殊恩滿邸騰輝白覺
遭逢希濶傾朝贊喜胥稱會合明良其繫職觀風難
隨賀燕輸忱仰斗聊效鳴蛙願垂黃髮以覃究碩膚
更閱鸞臺之二十四考祈罄丹心而保安元首直符
鳳曆之百千萬年

賀申相公考滿啓

六年考滿進秩
賜宴廕子中書

明林世吉

密勿運嘉猷積課方陳于鳳閣便蕃頒渥典疏恩文
冠于鵷班色動三台聲騰六合恭惟相公閣下地名

獨冠顯然昭代鴻儒台望交推卓爾清朝碩輔志同
范文正輕肥溫飽之念俱忘學似陸宣公曠達浮華
之習盡脫時平則謀周防患歲歉則力悉濟艱將令
沴氣之全消民熙物鬯遂致妖氛之蕩滌虜靖夷馴
懋功告滿于六期崇閱書登平再考冲懷猶歎連章
懶欵于撝謙聖眷特隆累詔勤渠于重巽左柱之穹
階斯陟上卿之厚廩兼膺紫誥擁祥雲仍加任子之
銜于中舍華筵垂湛露益備養賢之禮于南宮賚獎
何優遭逢豈偶盖由佐理勲庸第一不啻藝文翰墨
之供用是酬勞寵數超群未誇服飾車旗之賜允矣

君臣相悅宜乎本庶交歡某繫後藩坦縈懷廊廟乍
聽好音而欣躍神爽遙馳亟憑順羽以喧鳴衷情畧
展伏願贊元功于橐籥常值五風十雨之調銘偉績
于鼎鐘直迫六相九官之盛

賀申長洲考滿加恩啓

九年考滿賜宴
麟服廕子尚寶

明張應泰

三朝宿老握珠斗而輝潤天機一德宗臣翼璿圖而
鴻宣王畧功高歲序九載績懋于虞廷寵冠臣隣三
錫榮逾于漢典歡翔翠籟慶溢丹扉恭惟閣下滄溟
醞量黃石揚精羽儀玄鸞之朝德苞元凱冠冕彤雲

之代望重崑崙緹管星霏振金機而禦六氣實
麗握瑞扇而風八紘翊泰符則三光晔昱于炎景調
鼎實則九土醞釀于華胥維茲元勳九年之辰適我
西師三捷之日嫖姚千里寧言決勝于疆場尚父五
符實已運籌于罇俎垂溫誠于天語渥華獎于宸綸
錫讌春曹玉醴與珍厨儷美褒功冊府琳章與琬札
交輝麟服以庸上公崇赤鳥之命麟符錫廕尚璽列
黃綬之班袞衣繡裳之華治朝特典彤弓湛露之寵
太平榮觀實際名世之期置惟興邦之傑某疏壤細
品飛籀微生披雲霧而未繇密依陰樾景星辰而在

望翹跂光躔忻黼座益峻于巖瞻覘宸極永隆于魁
柄驚聞大廷之播告渙發制麻謬與翹館之起居貴
摩筆札伏願作鹽梅以燮鼎益衍帝賚之祥觀鳳凰
而握圖長代天工之曠曷離輝于太乙快雲紀而分
天章翼乾步于因提幹方儀而運圓境

賀申相公考滿啓

九年考滿
恩同前

明李 鼎

衡玉幹旋不績用成于三考宸綸顯比殊榮蕃錫于
九天元老孫碩膚而不居勞謙彌亮天子荅明恩而
未艾渥典方殷恭惟閣下孔席真儒堯廷碩輔弘大
人格心之理允矣帝師擴天民先覺之懷居然聖相

挽流風於純嘏律起黃鐘翊景運于靈長功參三極
爰遣虎賁於紫塞密傳豹畧於黃扉收蕃族千百其
群已斷匈奴之臂整王師十萬斯眾將梟可汗之頭
頃三邊奏捷之辰正九年報政之日皇心滋說異命
重申位至三台叶十八公之吉夢祿班五等儼七十
里之提封龍章煥華國之猷麟服表素絲之節既飽
上方之法饌復登南省之華筵子孫勿替引之金楮
求以為好在天朝恨無以報德而報功在相公必欲
辭封而辭富高爵厚祿雖得所請而弗加於曩時盛
德重名實緣鳴謙而益光於前乘為之谷為之谿注

之長不盈也如方升如方至推之終可去乎虔祝鴻禧聊申蟻慄

能品

賀許相公考滿啓

賜賚
陰子

明潘季馴

碩輔調元際五百年泰交之運大勲夾日培億萬曆
鼎建之基精忠久格於蒼穹茂烈允齊乎赤舄臣民
永賴朝野重熙恭惟台座天與忠貞性生明哲總揆
中秘股肱心膂之相成秉軸上台舟楫鹽梅之久寄
矢心匡弼當嫌忌而不辭銳意治安邁鸞鼎而益勁
閱自論思之日屬茲考績之辰夜寐夙興至六年如
一日朝乾夕惕雖百鍊無二心是以聖德日新功成

心於宥密皇仁風動底斯世於昇平紀綱振而大法
小廉陰陽調而民康物阜河平海晏二儀昭順軌之
休遠至邇安九夷效奉琛之化篤我明百世無疆之
祐皆吾相三朝夾輔之功功懋賞德懋官上公之寵
榮獨厚善不施勞不伐聖主之眷注允深奎翰綸音
塵近臣之特捧珍鏐華袞隨玉食以駢臻卽開國之
殊恩難酬萬一縱任子之異數亦屬尋常某曲承獎
拭久荷提攜羈役河濱馳情台席覩徽猷于九鼎欣
忭曷勝瞻蕃錫于六符揄揚莫罄伏願茂膺神貺儲
衛天和任愈久而業益隆績愈崇而眷愈篤福履乘

歲華而俱集綿鶴算于千秋經綸照簡冊以無疆翼
皇圖于萬葉

賀趙相公考滿啓

三年考滿加柱
國廕子尚寶

明吳恢

開德宣符鳳曆茂萬年鼎鼐舒虹爍電龍章崇一德
台衡天壤騰歡人群溢慶恭惟臺下江南人傑海內
儒宗激水蘭清馥郁香名動地龍門日暖跨騰神翼
興雲精白承休仰符乾德和平致治俯奠坤維夙夜
默運精神翼亮不動聲色忠侔宋闕道調和玉鉉卒
成康濟弘猷識邁後將軍圖畧金城坐收東西巨寇

此皆存經綸社稷之心施整頓乾坤之手以三年有
成之績膺九重獨眷之恩柱國崇銜高揭擎天之號
符臺錫廕遠垂裕後之圖重重宴賚殊榮沃同湛露
冉冉絲綸特寵藹映祥雲誠亘古希逢近世罕覩者
其鞠躬和壘翹首寵靈天上龍光下騰榆塞雲中蟻
夢遙躍槐庭欲申燕喜之私聊仿蛙鳴之頌惟願保
合太和更衍鳴珂於百世匡扶鼎運永昭巖石於萬
邦

代賀沈相公一品考滿啓

三年考滿封
三代廕子

明連繼芳

天祚皇圖聖明君一人有慶帝昌相烈賢宰輔三年
有成上考升聞特恩賁授恭惟臺下以帝者師爲天
下宰地天交孚而成泰道忠啓太平日月亭午而無
斜陰功徵調燮秩一品以弼亮一人位三公至靖共
三載司勳奏最有斐昂彝之銘馳典覃章於昭華衮
之賁恩推生賢之所自親遡乎親世際風雲之會榮
及相體之所貽子逮乎子誰云雨露之偏貺天府之
多儀極人臣之異數蓋惟相業之久暨於天地草木
之蕃是以帝賚之宏超於山川田土之外某慶節遐
方傾心勝事親見梧桐鳳凰之合兼慰門闌燕雀之
歡伏願是君是臣同心同德當聖天子寵眷長懸之
日正老先生經綸大展之時豈特吾儒千一之榮用
俾我后三五之盛

八命分禁之奇
秩魚野駟集姑如長
尤傳盛事恭惟閣下
知冠禮畢動由成性
行禮

二允矣太史之呈祥多士成均皆其陶冶兩裁帝紀
賴以權衡自魯連拂萊海之衣而巖陵系桐江之鼎
南陽隱士獨稱為臥龍洛下兒童皆知有司馬傳巖
特召無藉金張之援漢殿同升共推邴魏之美清標
著于平日故中夜無可卻之金白麻播于內庭而外
朝減徵聲之讌上不枉道以求合下毋養交而借名
人皆望之殖同已排異已公不謂爾渙小群成大群
為國則舉不避讎遠嫌則恩無歸已若水若辛必與
聖人同其憂一話一信務安社稷以為悅當慈之
底豫或少展其愁眉言之轉圜庶幾緩其憂念

此蓋一人之有慶以致三后之協心雖臨軒之卷
有隆而循墻之讓德彌著謂青宮一品已堅辭於達
書之辰彼素絲五純實遠踰於章甫之貴匪故奪公
之守殆將伸國之經其素切儀刑遙深踴躍惟詔功
詔德自古則然而有君有臣於斯為盛皇天之產名
世已過五百餘年賢者之在中書何妨二十四考

賀余桐麓相公覃恩啓

進少保

明于慎行

國膺景祚久鍾柱石之基帝簡元公首正台階之位
泰交伊始異命重申恭惟閣下執苑儒宗師垣上座
彤墀獨對陳禮樂之三千碧漢高搏會風雲之九萬

比滄溟而挈器量總群流分雲漢以為董學苞萬有
橫經青禁龍夾日以升霄曳履彤庭齧戴山而立極
望推民譽用相我國家忠結主知乃置諸左右前旒
渙寵上衮升華名啓金甌面三槐而論道職親玉鉉
間兩社以疏榮比聞大慶之覃恩更見師臣之荷寵
命召公而為保夾培九鼎之安相司馬以居中遠厭
四夷之望功成樽俎借前籌清漠北之塵澤沛絲綸
宣上德布山東之詔占六符之象緯光生兩兩之階
騰五服之歡欣響溢元元之頌某也材非桐梓叨培
植以多年用劣刀錐入鑪錘而有日蓋比者負犬馬

之病實羸然在草莽之間傳漢長安新開丞相之閣
處齊下邑未掃舍人之門敢肅魚緘少伸燕賀丹衷
無盡赤牘多殫

造朝新威儀於宰路華夷傳誦願世尊崇切請大
師安危於一身孝移忠而兩盡感且會明良於千載
家與國以均休方素冠迄制於禮經宜丹采加禮於
命數恭惟其官孤忠貫日一德格天明允篤誠世濟
餘定衆志於波瀾之末還福威於皇極在清地焉

橫經青嶽龍夾日以升霄曳復彤庭紫戴山而立極
望惟民譽用相我國家忠結主知乃置諸左右前抗
渙龍上袞升華名啓金甌面三槐而論道職親玉鉉
間兩社以既祭比開大慶之聖恩更見師臣之荷寵
命召公而為保夾培九鼎之安相司馬以居申遠厭
四夷之望功成稱組借前籌清漢北之塵澤沛絲綸
無盡未獻冬戰之詔占六符之象緯光生兩雨之階
雲齊下母未赫舍人之門雉蕭魚鱗少軒燕賢良乘
之德實竊然并草莽之間制藹其文餘開永曆之閱

賀從吉加官

賀史丞相從吉加官啓

宋林執善

徙月復常自天渙渥黃麻宣制增品秩於鼎司赤鳥
造朝新威儀於宰路華夷傳誦庶陛尊崇切謂大臣
佩安危於一身孝移忠而兩盡盛旦會明良於千載
家與國以均休方素冠迄制於禮經宜丹袞加榮於
命數恭惟其官孤忠貫日一德格天明允篤誠世濟
舒散之美謀謨果斷才兼房杜之長翦羣姦於原燎
之餘定衆志於波頽之末還福威於皇極乾清坤夷
正基本於元良星暉海潤光於前列酬以何官幽宅

問

揆以奮熙邁奪情於艱疚入則左饋右粥端思廬壘
之中出則摺笏垂紳紆畫廟堂之上來俊髦而濟濟
銷奸宄於冥冥漢塞析沈周京枕奠丕慰烝黎之衆
迄成清靜之規駒過隙以如馳甫更吉制魚有水而
相得庸侈徽恩登進穹階田倍腴賦隆師模於副貳
崇事柄於鈞樞固嘗先天下之憂而憂豈以窮人爵
之貴爲貴一二日之幾毋曠共成兢業之功八百年
之歷過期永賁休明之運某割聆成渙倍激歡悰才
俊滿前第遡風於東閣陽春無外會報暖於北枝

